

四庫全書

史部

欽定四庫全書

史部

御批資治通鑑綱目卷二下

詳校官修撰_臣錢榮

編修_臣程嘉謨覆勘

總校官降調編修_臣倉聖脉

校對官中書_臣陸湘

謄錄監生_臣許溶

欽定四庫全書

御批資治通鑑綱目卷二下

注 二世皇帝元年

楚隱王陳勝元趙王武臣元齊王田儋元燕王韓廣元魏王咎元年○是

歲建國

考異

按凡例分注楚隱王陳勝五字當朱注趙齊燕魏國名亦朱注皆當易以白字圖下

凡五
總結是歲建國凡五亦當用白字

冬十月大赦○春帝東行到碣石並

海南至會稽而還○夏四月殺諸公子公主

二世謂趙高曰吾已臨天下矣欲悉耳目之所好窮心志之所樂以終吾年壽可乎高曰此賢主之所能行而昏亂主之所禁也然沙丘之謀諸公子及大臣皆疑焉今陛下初立此其屬意快快皆不服恐為變

陛下安得為此樂乎二世曰為之奈何高曰嚴法刻
刑誅滅大臣宗室收舉遺民貧者富之賤者貴之盡
除故臣更置所親信陛下則高枕肆志寵樂矣二世
乃更為法律益務刻深大臣諸公子有罪輒下高鞠
治之公子十二人僂死咸陽市十公主死於杜囚
公子將閭於內宮將殺之將閭仰而呼天拔劍自殺
宗室震恐公子高欲葬不敢乃上書請從死先帝得
葬驪山之足二世大說以示趙高高曰人臣當憂死
而不暇何變之得謀集覽死於杜砒與礫通陟格
二世可之賜錢以葬反謂裂其支體而殺之也
杜在長安東南地理志扶風有杜縣周杜伯國漢宣
葬此更名杜陵正義曰杜徒古反即綿詩所謂自土
漆沮杜與
土音相近

復作阿房宮

復作阿房宮徵材士五萬人為衛狗馬禽獸當食者
多調郡縣轉輸穀粟芻稿皆令自齎糧食咸陽三百
里內不得集覽村士材官蹶張之士
食其穀注見漢文帝後二年

書法

書復何譏不變也前書作前殿阿房矣於是
書復作用民甚矣故下書勝廣先書復作所

以著亂始也終綱目宮殿書復者二秦不恤民怨
則書復作阿房宮魏不畏天怒則書復立崇華殿
漢魏上建興十三年

皆罪其不知變也

秋七月楚人陳勝吳廣起兵於蕪勝自立為楚王以廣
為假王擊蒙陽

是時發閭左戍漁陽者九百人屯大澤鄉陽城人陳
勝陽夏人吳廣為屯長會天大雨道不通度已失期

法皆斬勝廣因天下之愁怨乃殺將尉令徒屬曰公等皆失期當斬假令毋斬而戍死者固什六七且壯士不死則已死則舉大名耳王侯將相寧有種乎衆皆從之乃詐稱公子扶蘇項燕爲壇而盟稱大楚攻大澤鄉拔之攻斬下徇斬以東行收兵比至陳卒數萬人入據之大梁張耳陳餘詣門上謁勝素聞其賢大喜豪傑父老請立勝爲楚王勝以問耳餘耳餘對曰秦爲無道滅人社稷暴虐百姓將軍出萬死之計爲天下除殘也今始至陳而王之示天下私願將軍毋王急引兵而西遣人立六國後自爲樹黨爲秦益敵衆多則力分與衆則兵強如此野無交兵縣無守城誅暴秦據咸陽以令諸侯則帝業成矣不聽遂自立爲王號張楚郡縣皆秦法爭殺長吏以應之使從東方來以反者聞二世怒下之吏後至者曰羣盜也乃悅勝以廣爲假王監諸將擊滎陽

集覽

發問左戍

漁陽索隱曰閭左言居閭里之左也秦時復除者居閭左今力役煩在閭左者盡發之也一說所在以富強為右貧弱為左秦役戍多富者役盡兼取貧弱者而發之也戍者屯兵而守也漁陽注見秦王政三年大澤鄉徐廣曰在沛郡蘄縣陽城人陳勝索隱曰韋昭云陽城屬潁川地理志屬汝南不同者蓋舊屬汝南也史遷云今為汝陰後又分隸潁川韋昭據以為說故不同正義曰即河南陽城縣也陳勝字涉勝音升陽夏人吳廣索隱曰夏音賈陽賈屬淮陽後屬陳括地志云陳州太康城本漢陽賈縣也吳廣字叔將尉索隱曰尉官名漢舊儀云大縣三人其尉將屯九百人故稱將尉假令毋斬言假使幸得不見斬也陳涉世家作藉第令毋斬注藉子夜反假也第且也詐稱公子扶蘇項燕公子扶蘇始皇長子也今聞無罪而二世殺之百姓未知其死項燕楚之良將也或以為死或以為亡今故詐自稱扶蘇項燕以為天下倡

徇蕪蘇林曰蕪音機索隱曰音祈沛國邑今宿州縣
李奇曰徇畧也如淳曰徇音撫徇之徇徇其人民也
與衆黨與衆多也張楚李奇曰欲張質實一統志云
大楚國故稱張楚也假王假燕攝也

大澤鄉在

徐州豐縣北六里陽城秦之縣名屬泗水郡漢屬汝
南郡東漢為岑彭封邑三國魏廢之故城在鳳陽府
宿州南陽夏秦之縣名屬淮陽郡漢屬淮陽國東漢
屬陳國晉屬梁國後魏置陽夏郡隋改縣曰太康屬
匡城郡後復置陽夏郡改縣曰匡城縣隋末廢唐初
復置屬陳州五代梁屬開封府宋宣和初屬拱州金
屬開封府元屬汴梁路本朝因之屬開封府蕪秦之
縣名屬泗水郡漢屬沛郡晉屬譙郡後廢之故城在
鳳陽府宿州
南四十六里

楚遣諸將徇趙魏以周文為將軍將兵伐秦至戲秦遣

少府章邯拒之楚軍敗走

張耳陳餘復請奇兵畧趙地勝以所善陳人武臣為將軍耳餘為校尉予卒三千人徇趙又令魏人周市徇魏聞周文陳之賢人習兵使西擊秦武臣等從白馬渡河收兵得數萬人號武信君下趙十餘城餘皆城守乃引兵擊范陽范陽蒯徹說曰范陽令徐公畏死欲降君毋以為秦所置吏誅殺而以侯印授之則燕趙諸城可毋戰而降矣從之不戰而下者三十餘城涉既遣周文有輕秦之意不復設備博士孔鮒曰臣聞兵法不恃敵之不我攻恃吾之不可攻今王恃敵而不自恃若跌而不振悔無及也不聽文行收兵車千乘卒數十萬至戲軍馬二世乃大驚少府章邯請赦驪山徒悉發以擊楚軍大敗之文走鮒子順之子集覽周文文頴曰即周章也應劭曰章字文范陽在幽州南百二十里近城有涿河朝李河合

范河東流入海故名范陽唐置涿州蒯徹漢書避武帝諱改徹曰通孔鮒字子魚孔子七世孫也文行收兵句絕言周文就道上收兵也陳涉世家作西擊行收兵北至關車千乘卒數十萬至戲軍焉至戲而停軍也應劭曰戲弘農湖西界文潁曰戲在新豐東二十里戲亭北述征記云戲水自驪山馮公谷北流歷戲亭東入渭按今淇水東惟有戲驛存焉漢書項籍傳羽至戲西鴻門劉伯莊注古文戲讀曰麾又諸侯兵罷戲下各就國顏師古注戲謂軍之旌麾也史記注索隱曰戲音羲水名也下者如言許下洛下然也按上文羽至戲西鴻門是羽初停軍於戲水今言諸侯兵罷戲下是各受封邑號令訖自戲下各就國何須借古字以為旌麾之下乎師古伯莊說皆非少府秦官應劭曰掌山澤陂池之稅名曰禁錢以給私養自別為藏少小質實一統志云白馬津名注見漢高也故稱少府

質實

帝三年范陽古地名以范水居

涿水之南東流入海故名春秋戰國皆屬燕之涿邑
秦屬上谷郡漢置涿郡曹魏改為范陽郡晉改為范
陽國後魏復為范陽郡隋為涿郡唐初廢郡為范陽
縣屬幽州大歷中又於縣置涿州遼置永泰軍宋改
涿水郡金復為涿州元陞涿州路尋為涿州本朝以
范陽縣省入改屬順天府戲亭在西安府新豐縣即
周幽王舉烽燧徵諸侯以悅褒姒處戲水在西安府
臨潼縣東三十里源出驪山鴻谷東北流經戲亭入
渭

書法

勝廣耳得書起兵何惡秦也天下皆秦矣何
以書楚人不予秦之滅六國也故起兵者各

紀其舊國書舊國則起兵為義師矣然則此秦篇
也書入寇可矣書伐秦何據周紀書入寇不書寇
周夷秦於楚也自是秦有事必書秦則與列國無
異矣夷秦於列國而大書其紀年何也世統也是

故綱目之紀年也苟正統雖夷秦於列國而不得
不大書非正統則孝惠子雖書少帝而不得以大
書故曰統正於
下而人道定矣

發明

勝廣崛起草莽本不足以國書而書之曰楚
若大國然者尊楚所以惡秦也又書以周文

為將軍將兵伐秦書
伐則秦之罪著矣

八月楚將武臣至趙自立為趙王

張耳陳餘聞諸將為陳王徇地者多以讒毀誅乃說
武信君自立為趙王勝大怒欲族其家柱國房君諫
曰秦未亡而誅武信君等家此生一秦也不如因而
賀之使急引兵西擊秦勝從其計耳餘曰楚特以計
賀王已滅秦必加兵於趙願王毋西兵而北徇燕代
南收河內以自廣楚雖勝秦必不敢制趙不勝秦必

重趙趙乘秦楚之弊可以得志於天下趙王從之因不西兵而使韓廣畧燕李良畧常山張黶畧上黨

集覽

杜國房君漢書音義曰房君姓蔡名賜上蔡人為上柱國索隱曰爵之於房邑因號房君正義

曰豫州吳房

質實

一統志云房本春秋房子之國漢為吳房縣屬汝南郡後魏改遂寧

縣屬襄城郡隋復為吳房縣屬汝南郡唐貞觀初縣為尋復置蔡州元和中改遂平縣屬唐州長慶初還為蔡州宋金仍舊元初省入汝陽大德間復置屬汝寧府本朝因之仍舊屬焉

九月楚人劉邦起兵於沛自立為沛公

沛人劉邦字季隆準龍顏愛人喜施意豁如也有大度不事家人生產作業初為泗上亭長單父人呂公奇其狀鮑以女妻之為縣送徒驪山徒多道亡自度北至寄亡之到豐西止飲夜乃解縱所送徒曰公等

皆去吾亦從此逝矣徒中壯士願從者十餘人季被酒夜徑澤中有大蛇當徑季拔劍斬之有老嫗哭曰吾子白帝子也今為赤帝子所殺因忽不見季亡匿芒碭山中沛令欲應陳涉主吏蕭何曹參曰君為秦吏今背之恐子弟不聽願召諸亡在外者以劫眾乃召劉季季之眾已數十百人矣令悔閉城季乃書帛射城上遺沛父老為陳利害父老乃率子弟殺令迎季立以為沛公蕭曹為收子弟得二三千人以應諸侯旗幟集覽沛人漢高本紀作沛豐邑人注李斐曰皆赤集覽沛小沛也今徐州縣孟康曰後沛為郡豐為縣索隱曰漢及泗水為沛郡治相城故季以沛為小沛集覽顏應劭曰隆高也準音拙顏權準也顏額顏也謂之龍顏見其非凡文顏曰準鼻也音準的之準索隱曰始皇蜂目長準蓋謂鼻高起也文顏說是泗上亭長亭者停留行旅宿食處猶今之館驛也秦法十里一亭亭置長主督盜賊泗水亭在沛縣

東百步單父人呂公漢書音義曰濟陰單父縣音善
甫今縣屬濟寧路單州索隱曰呂公史失其名故但
舉其姓而言公據漢舊儀呂公汝南新蔡人又相經
云魏人也名文字叔平送徒驪山應劭曰時始皇葬
驪山郡縣皆送徒士役作被酒顏師古曰為酒所加
被也夜徑澤中顏師古曰徑小道也從小道而行過
於澤中索隱曰廣雅云徑斜過也舊音經芒碭山中
蘇林曰碭音唐又音宕芒縣屬臨淮郡碭縣屬梁國
應劭曰二縣之界有山澤之固故隱其間括地志云
宋州碭山縣在州東百五十里碭山在縣東按今歸
德府秦碭郡**質實**一統志云沛秦之縣名為泗水郡
也漢改梁國治漢改泗水為沛郡遷治相而沛
縣如故晉屬沛國劉宋屬徐州北齊省隋復置屬彭
城郡唐以廣戚縣省入宋因之金初屬邳州後為源
州縣尋省元復為沛縣至元初省入豐縣尋復置屬
濟寧路後屬濟州本朝因之改屬徐州泗水亭在徐

州沛縣治東南漢高帝嘗為亭長於此單父春秋魯
邑名漢為單父縣屬山陽郡東漢為侯國晉屬濟陽
郡後魏置北濟陰郡隋初廢郡以縣屬戴州大業初
州罷以縣屬曹州唐屬宋州後自碭山縣徙輝州治
此五代唐改為單州宋因之今屬歸德府元初以單
父縣附郭屬濟寧路本朝初省縣入州後改州為縣
屬兗州府澤中即大澤中也在徐州豐縣西二十里
漢高帝斬白蛇於此今名斬蛇溝芒碭二山名芒山
在開封府歸德州城東一百八十里
碭山在徐州碭山縣東南七十里

楚人項梁起兵於吳

項梁者下相人楚將項燕子也嘗殺人與兄子籍避
仇吳中吳中賢士大夫皆出其下籍字羽少時學書
不成去學劍又不成梁怒籍曰書足以記名姓而已
劍一人敵不足學學萬人敵於是梁乃教籍兵法籍

大喜畧知其意又不肯竟學長八尺餘力能扛鼎才
器過人會稽守殷通欲應陳涉使梁將梁使籍斬通
乃召故所知豪吏喻以所為起大事舉吳中兵收下
縣得精兵八千人梁自為會稽守以籍為裨將籍時
年二集覽下相地理志臨淮下相縣應劭曰相水出
十四沛縣其水下流至縣故名下相括地志云
相故城在泗州宿質實一統志云下相秦之縣名屬
豫西北七十里臨淮郡漢因之晉省下相置
宿豫縣後屬南徐州東魏屬東楚州後周屬泗州隋
下邳郡治此唐改為宿遷縣屬徐州宋屬邳州元省
後復置本朝因之改屬淮安府故城在邳
州城西南一名項城相傳項羽所生之處

齊人田儋自立為齊王

儋故齊王族也與從弟榮橫皆豪健宗強能得人周
市徇地至狄狄城守儋詳縛奴從少年至廷欲謁殺

之因殺狄令而召豪吏子弟曰諸侯皆反秦自立齊古之建國也詹田氏當王遂自立擊市走之東畧定齊集覽狄徐廣曰青州樂安郡臨濟縣本狄縣也括地志云北狄故城在淄州高苑縣西北詳縛奴詳讀曰佯訓詐也

趙將韓廣畧燕地自立為燕王

韓廣至燕燕豪桀欲立以為王廣曰廣母在趙不可燕人曰趙方西憂秦南憂楚其力不能禁我且以楚之強不敢害趙王將相之家趙又安敢害將軍家乎廣乃立居數月趙奉其母歸之

燕軍獲趙王既而歸之

趙王與張耳陳餘畧地王間出為燕軍所得囚之以求割地使者往請燕輒殺之有廝養卒往見燕將曰

君知張耳陳餘何如人也曰賢人也曰知其志何欲
曰欲得其王耳養卒笑曰君未知此兩人所欲也夫
武臣張耳陳餘杖馬箠下趙數十城此亦各欲南面
而王顧其勢初定且以少長先立武臣今趙地已服
此兩人亦欲分趙而王今君乃囚趙王此兩人名為
求之實欲燕殺之而分趙自立夫以一趙尚易燕况
以兩賢王左提右挈而責殺王之罪滅**集覽**廝養卒
燕易矣燕將乃歸趙王養卒為御而歸**公羊傳**
宣十二年廝養何休學云艾草為防者曰廝炊烹者
曰養廝息移反養餘亮反杖馬箠下趙索隱曰杖上
聲持也箠搃馬策也以兵威服之曰下杖馬
箠而下之言其易也為御為趙王御車而歸

書法

自立也書趙王何成之為列國也於是
列國皆從其所稱惟死及失地則名之

楚將周市立魏公子咎為魏王而相之

周市定魏地諸侯欲立之市曰天下昏亂忠臣乃見必立魏王後乃可諸侯固請市終辭乃迎魏公子甯陵君咎於陳五反而後楚王遣之乃立以為王而相之

集覽

甯陵君咎咎名也音其久反晉灼曰

甯陵今梁國寧陵縣是字轉異耳括地志云宋州寧陵城故甯陵城也

質實

一統志云甯陵古葛

伯國之邑名又為甯城春秋時宋地秦為碭縣地漢初置寧陵縣屬陳留郡後屬梁國晉屬譙郡又屬陳留北齊廢隋復置屬宋州唐因之宋屬拱州後屬應天府金屬歸德府元仍舊本朝因之改屬開封府

秦廢衛君角為庶人集覽

衛君角角名也或音鹿非按衛世家索隱述贊司徒受封

梓材有作衛祚日衰失於君角則角音覺明矣

初秦并天下而衛獨存至是二世廢之衛遂絕祀

二年

楚懷王心元趙王歇元齊王田市元燕王韓廣二魏王豹元韓王成元年○是歲楚王勝趙王

武臣齊王儋魏王咎皆亡舊國一新國五凡六考異楚懷王心元分注楚懷王

亦朱注並冬十月秦兵圍沛公於豐沛公出戰破之

沛公既破秦軍令雍齒守豐而之薛齒降魏集覽雍齒漢書無釋音按楊文公談苑雍姓從平聲

十一月章邯追敗楚軍於澠池周文走死○楚田臧殺

其假王吳廣進與秦戰敗死

吳廣圍滎陽三川守李由拒之廣不能下裨將田臧等矯王令誅之獻其首於王王以臧為上將西迎於

秦軍戰死

趙將李良弑其君武臣

卷二下

李良已定常山還報復使畧太原良還請益兵道逢趙王姊良以為王伏謁道旁王姊醉不知其將使騎謝之良慙怒殺王姊遂襲邯鄲殺趙王趙人多為張耳陳餘耳目者故二人獨得脫

秦嘉起兵於郟集覽

郟索隱曰郟音談東海郟縣古郟國也漢分薛為郟郡尋改東海郡

今海寧

實實

一統志云郟春秋時郟子國之地名秦置郟縣屬薛郡後分為郟郡漢為東海郡東

漢為東海國三國魏為郟縣劉宋於此僞立青冀二州梁改東海郡尋為北海郡東魏改青冀二州為海州北齊徙海州治琅邪隋徙治朐山後改州為東海郡唐改為海寧州天寶初改東海郡乾元初復為海州宋屬淮東道景德初置西海州元為海州至元中陞海州路未幾改海寧府後復為海寧州隸淮安路本朝仍為海州

以胸山縣省入隸淮安府

○秦益遣兵擊楚臘月楚莊賈弑其君勝

以降於秦呂臣討賈殺之復以陳為楚考異

殺當作誅

二世益遣長史司馬欣董翳佐章邯擊楚柱國房君殺之又進擊張賀賀死臘月楚王至下城父其御莊賈殺之以降勝故涓人呂臣為蒼頭軍起攻陳殺賈復以陳為楚葬勝於碭諡曰隱王初勝既稱王故人皆往依之妻之父亦往焉勝以衆賓待之長揖不拜妻之父怒而去客出入愈益發舒言勝故情或曰客愚無知顓妄言輕威勝斬之諸故人皆引去勝以朱防為中正胡武為司過主司羣臣以苛察為忠諸將不親附以集覽下城父秦二世紀殺陳勝城父無下及於敗字正義曰父音甫括地志云城父亳州縣按陳涉世家作陳王還至下城父索隱曰舊讀以陳王從汝陰還至城父縣因降下之故云還至下

城父又顧氏按郡國志山乘縣有下城父聚在城父縣東下如字讀此說為得故涓人故舊也陳勝為王

故有涓人之官涓人質實一統志云城父秦之縣名注見周赧王三年即春秋陳之夷邑漢屬沛

郡晉屬譙郡隋屬亳州元廢為村有文廟碑存焉故城在鳳陽府亳縣東南七十里

書法勝自立為楚王則綱目楚之武臣自立為趙王則綱目趙之其殺也書弑其賊也書討蓋

成之為列國也其成之何惡秦而已矣

發明陳勝自立至是纔歲餘耳書莊賈之弑所以成其為君書呂臣之討所以正賈之罪上書

李良弑其君亦然惟惡秦之無道而欲誅之也故書法之意如此

春正月趙將張耳陳餘立趙歇為王

張耳陳餘收散兵得數萬人擊李良良敗走客有說之者曰兩君羈旅難可獨立立趙後輔以誼可就功乃求得歇立之

集覽

趙歇蘇林曰鄭玄云歇音遏絕之遏徐居信都

廣音烏轄反今如本字讀信都地理志

趙地北有信都按今冀州是春秋為晉東陽地質實一

三家分晉因屬趙秦於此置信都縣屬鉅鹿

統

志云信都戰國趙邑名秦置縣屬鉅鹿郡漢為信都國

于此景帝時改廣川國後復為信都國東漢更名安平

國後置冀州治此晉改長樂國後魏改長樂郡隋為信

都郡唐改冀州尋改魏州後復舊名天寶初改信都郡

乾元初復為冀州治信都縣宋增置武安軍金仍為冀

州屬河間府元屬真定路本朝因之以信都縣省入改

屬真

定府

秦嘉立景駒為楚王○秦攻陳下之呂臣走得英布軍還

復取陳

布六人也嘗坐法黥論輸驪山驪山之徒數十萬人布皆與其徒長豪傑交通乃亡之江中為羣盜番陽令吳芮甚得江湖間心號曰番君布往見之其衆已數千人番君以女妻之使將其兵擊秦集覽布六禹本紀封臯陶之後於英六徐廣曰史記皆作英字而以英布是此苗裔索隱曰地志安國有六縣英地闕不知所在正義曰英蓋蓼字括地志云光州固始縣春秋蓼國也又志云故六城在安豐西南百三十二里論輸驪山論平聲議罪也正義曰英布論決受黥已竟輸之驪山作陵番陽番通作鄱春秋吳伐楚取番秦為鄱陽縣屬九江漢屬豫章隋置饒州韋質實一統志云六古昭曰鄱音婆初吳芮為鄱令即此國名周封臯陶之後於此春秋為六蓼國漢為六安國治六縣後為盛唐縣屬廬江郡晉改為六安縣隋改霍山縣唐置霍州

復廢州改霍山為盛唐縣五代晉改來化縣後復為盛唐縣宋為六安縣政和中陞六安軍初屬壽春府後屬安豐軍元為六安州屬廬州路本朝初以六安縣省入仍屬廬州府番陽秦之縣名屬九江郡以在鄱水之北故名漢屬豫章郡吳以後屬鄱陽郡隋唐宋饒州治此元仍舊本朝因之屬饒州府

沛公得張良以為廕將

楚王景駒在留沛公往從之張良亦聚少年百餘人欲從駒道遇沛公遂屬焉公以良為廕將良數以太公兵法說沛公公善之常用其策良與他人言輒不省良曰沛公殆天授遂從不去駒使沛公與秦交戰不利攻碭拔之得其兵六千集覽景駒在留景駒姓人與故合九千人擊豐不下集覽景駒在留景駒姓留城縣今廢為鎮屬徐州彭城縣在沛縣東南五十里張良封留即此太公兵法索隱曰譙周云太公姓

姜名牙蓋牙本是字尚是名也其先祖封呂從其封姓故曰呂尚文王出獵而遇之載與俱歸立為師言吾先君太公望子久矣因號太公望質實一統志云正義曰七錄云太公兵法一帙三卷留秦之縣名屬泗水郡漢改為留城縣東漢末廢之故城在徐州沛縣東南二十里張良遇漢高帝即此

書法

特筆也不書張良歸沛公何著良心也良欲復韓而未知所從沛公得之漢之帝業成矣

書曰沛公得張良貴之也書法如此終綱目一人而已

發明

不曰張良歸沛公而曰沛公得張良則良之去就為可觀而沛公之興以得良為重矣

項梁擊楚王駒殺之夏六月立楚懷王孫心為楚懷王
韓公子成為韓王

廣陵人召平為楚徇廣陵未下聞陳王敗乃渡江矯
王令拜項梁為上柱國曰江東已定急引兵西擊秦
梁乃以八千人渡江而西東陽少年殺令相聚得二
萬人以故令史陳嬰素謹信長者欲立以為王嬰母
曰暴得大名不祥不如有所屬事成猶得封侯事敗
易以亡非世所指名也嬰乃謂軍吏曰項氏世世將
家有名於楚今欲舉大事將非其人不可我倚名族
亡秦必矣衆從之於是嬰及英布蒲將軍皆以兵屬
梁衆遂六七萬梁曰陳王首事戰不利未聞所在今
秦嘉立景駒大逆無道乃進擊殺嘉駒走死至薛沛
公往見之梁予兵還拔豐使項羽攻襄城不下已拔
皆坑之居鄆人范增年七十好奇計往說梁曰陳勝
敗固當夫秦滅六國楚最無罪自懷王入秦不反楚
人憐之至今故楚南公曰楚雖三戶亡秦必楚今勝
首事不立楚後而自立其勢不長今君起江東楚彊
起之將皆爭附君者以君世世楚將為能復立楚之

後也梁然其言乃求得懷王孫心於民間為人牧羊
六月立以為楚懷王從民望也都盱眙以陳嬰為上
柱國梁自號武信君張良說梁曰君已立楚後韓諸
公子橫陽君成最賢可立為王益樹黨梁從之立為
韓王以良為司徒西畧集覽召平索隱曰此召平是
韓地往來為游兵集覽廣陵人與東陵侯召平
及齊相召平皆自別人也召音劬東陽晉灼曰本臨
淮郡邑漢明時屬下邳後分屬廣陵地志云秦東
陽縣城在今楚州盱眙縣東在淮水之南令史陳嬰
漢儀注云令史更曰令史正義曰楚漢春秋云東陽獄
吏陳嬰英布蒲將軍服虔曰英布起於蒲地因號焉
如淳曰言英布與蒲將軍皆屬項羽此自更有蒲將
軍也韋昭曰服虔以為英布起蒲非也至薛為句地
理志魯國有薛縣地志云古薛城在徐州滕縣界
按今泗州本秦之薛郡也後豐范曄曰得其域為拔
地理志沛國有豐邑即今徐州縣居鄆人范增索隱

曰晉灼云鄴音勦絕之勦然今皆用單巢字而讀為
鉏交反地理志廬江有居鄴縣注本春秋居巢國今
無為州巢縣是荀悅漢紀范增阜陵人故楚南公徐
廣曰南公楚人善言陰陽文頴曰南方老人虞喜志
林云南公者道士識興廢之數知亡秦者必於楚也
漢藝文志南公十三篇六國時人在陰陽家者流楚
雖三戶瓚曰楚人怨秦雖三戶猶足以亡秦索隱曰
瓚與蘇林解同韋昭謂三戶楚三大姓昭屈景也二
說皆非左傳以界楚師於三戶杜預注今丹水縣北
三戶亭則是地名無疑正義曰服虔云三戶漳水津
也張晏曰三戶地名在梁淇西南孟康曰津峽名也
在鄴西三十里括地志云濁漳水又東經葛公亭北
經三戶峽為三戶津在相州滏陽縣界然則南公識
興廢之數知秦亡必於三戶故出言後項羽果渡三
戶津破章邯軍邯降羽秦遂亡是南公之善識蠱起
言起兵者衆如蠱之飛起也懷王孫心心名也楚懷

王槐之孫盱眙戰國楚始為縣西晉為臨淮郡以北
臨淮水也東晉立盱眙郡唐改西楚州宋陞盱眙軍
尋改招信軍今為正誤故楚南公今按故字猶言所
盱眙縣屬泗州

楚字楚雖三戶今按三戶有二說以為地名恐是但
於雖字文勢不順豈南公本指其地不欲顯言故為

疑似之語邪質實一統志云廣陵注見漢後主建興
餘如瓚說

陳勝徇廣陵後為布衣種瓜長安城東瓜有五色甚
美世謂之東陵瓜今廣陵有東陵亭疑即平所封地
也東陽泰之縣名屬臨淮郡漢末省之故城在鳳陽
府盱眙縣東七十五里薛古國名秦置郡漢降為縣
屬魯國後廢之故城在兗州府滕縣南四十里豐泰
之邑名屬泗水郡漢以豐為縣屬沛郡晉屬沛國劉
宋改屬濟陰郡北齊屬永昌郡隋屬彭城郡唐宋及
金並屬徐州元屬濟寧路本朝因之改屬鳳陽府居

鄧秦之縣名即古之巢伯國也書成湯放桀于南巢春秋時楚人圍巢皆此地漢晉俱因之梁為蘄縣隋省入襄安縣唐初置巢州尋改巢縣宋初廢為鎮尋復為縣又置鎮巢軍元陞為州後復為縣屬無為州本朝因之屬廬州府盱眙秦之縣名漢屬臨淮郡東漢屬下邳國晉為臨淮郡治後置盱眙郡南齊於此置北兗州陳屬北譙州唐屬楚州宋置盱眙軍後仍為縣紹定中改招信軍元陞招信路尋改臨淮府後仍為盱眙縣屬泗州本朝因之屬鳳陽府

章邯擊魏齊楚救之齊王儋魏相市敗死魏王咎自殺

章邯擊魏王於臨濟魏使周市求救於齊楚齊王及楚將項它皆將兵隨市救魏章邯夜街枚擊大破之殺齊王及周市魏王為其民約降約定自集覽臨濟燒殺其弟豹亡走楚楚予兵復徇魏地

集覽

臨濟本秋

縣也漢改臨濟今屬益都濟上聲括地志云狄故城在今淄州高范縣西北項它音湯河反項羽從兄之子銜枚周禮大司馬銜枚而進注枚如箸橫銜之有繡結項中軍法止語為相疑惑也

正誤

臨濟

當作

質實

臨淄注見楚義帝元年

齊人立田假為王

假王建弟也齊人立以為王而以田角田閒為將相

秋七月大霖雨

書法

書記異也書霖雨始此終綱目書霖雨六年是年漢景帝六年晉成帝咸康四年陳巳卯年

唐代宗廣德二年大歷十二年書大者二是年漢景帝六年書大雨六詳漢昭帝始元元年

○齊王儋弟榮逐王假立儋子市為王而相之。秦下

右丞相馮去疾左丞相李斯吏去疾自殺要斬斯夷三

族以趙高為中丞相考異

謹按封拜例曰凡宦者除拜當書者皆加宦者字據此宦

者初拜相當書宦者或云始皇三十七年已書宦者趙高但漢延熹二年兩書宦者單超不嫌重複此不書宦者傳漏耳

二世數誚讓左丞相李斯居三公位如何令盜如此
斯恐懼重爵祿乃阿二世意以書對曰夫賢主者必
能行督責之術者也故申子曰有天下而不恣睢命
之曰以天下為桎梏夫不能行督責之術專以天下
自適而徒勞形苦神以身徇百姓若堯禹然則是黔
首之役非畜天下者也故謂之桎梏也惟明主能行

督責以獨斷於上則權不在臣下然後能滅仁義之塗絕諫說之辯榮然行恣睢之心而莫之敢逆如此羣臣百姓救過不給何變之敢圖二世說於是行督責益嚴稅民深者為明吏殺人衆者為忠臣刑者相半於道而死人日成積於市秦民益駭懼思亂郎中令趙高恃恩專恣多以私怨殺人恐大臣言之乃說二世曰天子所以貴者但以聞聲羣臣莫得見其面也今坐朝廷譴舉有不當則見短於大臣非所以示神明於天下也不如深拱禁中與臣及侍中習法者待事事來有以揆之則大臣不敢奏疑事天下稱聖主矣二世乃不坐朝廷事皆決於高李斯以為言高乃見斯曰關東羣盜多而上益發繇治阿房宮臣欲諫為位賤此真君侯之事君何不諫斯曰上居深宮欲見無間高曰請候上閒語君於是待二世方燕樂婦女居前使人告斯可奏事矣斯至上謁如此者三二世怒高因曰沙丘之謀丞相與焉今陛下為帝而

丞相貴不益其意亦望裂地而王矣且其長男由守
三川楚盜皆其傍縣子以故公行過三川聞其文書
相往來未得其審故未敢以聞且丞相居外權重於
陛下二世乃使人按驗三川守與盜通狀斯聞之乃
上書言高罪二世曰趙君為人精廉強力下知人情
上能適朕朕實賢之而君疑之何也且朕非屬趙君
當誰任哉斯又與右丞相馮去疾將軍馮劫進諫曰
羣盜並起皆以戍漕轉作事苦賦稅大也請且止阿
房宮作者減四邊戍轉二世曰君不能禁盜又欲罷
先帝所為是上無以報先帝次不為朕盡忠力何以
在位下吏按罪去疾劫自殺斯自負其辯有功無反
心乃就獄二世屬高治之責與由反狀收捕宗族賓
客榜掠千餘斯自誣服而從獄中上書自陳前功幸
二世寤而赦之高使棄去不奏又使其客十餘輩詐
為御史謁者侍中更往來覆訊斯斯更以實對輒復
榜之後二世使人驗斯斯以為如前終不敢更言所

使按三川守由者至則楚兵已擊殺之矣高皆妄為
反辭以相傳遂具斯五刑論要斬咸陽市斯顧謂其
中子曰吾欲與若復牽黃犬俱出上蔡東門逐狡兔
豈可得乎遂父子相哭而夷三族二世乃以高為中
丞相事集覽重爵祿重愛惜也范睢傳虞卿解相印
皆決焉集覽與魏齊亡走侯嬴曰虞卿不敢重爵祿
之尊中子名不害鄭之賤臣也主刑名恣睢鄒誕生
曰恣音資睢于餘反劉氏曰恣如字睢香萃反恣睢
謂恣行為睢惡之貌也正義曰睢仰白目怒貌索隱
曰恣睢猶放縱謂肆情恣縱也聲然聲力角反卓聲
超絕也發絲發與絲役也欲見無聞史記漢文本紀
願請聞言索隱曰包愷音閑言欲向空閑處語也記
曲禮侍坐於君子若有告者曰少閒願有復也注閒
音閑復白也由守三川李斯之子名由為三川郡守
三川注見秦莊襄王元年傍縣子謂皆三川郡近縣
之人戍漕轉戍守邊也漕轉水運也榜掠漢書注劉

伯莊曰榜掠音彭亮並笞擊也榜通作箠亦作榜相傳傳音附相傳會也以辭語牽合曰傳會上蔡地理志汝南上蔡縣索隱曰古蔡國也正義曰上蔡在豫州北七十里今蔡州縣夷三族張晏曰夷滅也父母兄弟妻子盡誅滅之也如正誤戎漕轉作事苦今按淳曰三族父母妻族也胡三省注戎征戎也漕水運也轉陸運也作役作也史記下文質實一統有云請且止阿房宮作者減省四邊戎轉上蔡古蔡國周武王封弟叔度於蔡成王封其子蔡仲即此漢置上蔡縣屬汝南郡後魏改臨汝縣北齊省隋初置武津縣大業中復曰上蔡唐屬蔡州宋金元並仍舊本朝因之屬汝寧府

書法

書下某某吏何非其罪也下吏之辭有三書下某某吏徵某下吏無罪之辭也書某有罪下

吏某以罪下吏皆有罪之辭也然則斯無罪乎斯固有罪而秦殺之不以其罪爾於是將軍馮劫同

下吏自殺不書畧之也綱目書下某吏下某獄十

九焉去疾等相國何絳侯勃條侯亞夫蕭望之陳

咸王章劉輔鄭崇王嘉鮑宣梁竦周紆邾壽虞詡

李固皇甫規楊彪侯君集徵下獄六收下獄一捕

下獄一詳漢景帝中二年書要斬始此綱目書要

斬二是年漢昭帝元鳳三年凡書要斬甚之也

章邯擊破楚軍於定陶項梁死集覽定陶縣屬濟陰在

濟陰隋質實一統志云定陶秦之縣名本堯所居之地

改曹州漢初封彭越為梁王都此後以縣屬濟陰

國宣帝時為定陶國後魏為西兗州治隋屬濟陰郡唐

初屬曹州尋降為鎮宋置廣濟軍兼置定陶縣熙寧中

軍廢以縣屬曹州後復置軍金廢軍

仍以縣屬曹州本朝改屬兗州府

項梁再破秦軍益輕秦有驕色宋義諫曰戰勝而將

驕卒惰者敗今卒少惰矣秦兵日益臣為君畏之弗

聽二世悉起兵益章邯擊楚軍大破之定陶梁死懷
王徙都彭城并項羽呂臣軍自將之號羽為魯公

楚立魏豹為魏王○章邯擊趙圍趙王於鉅鹿楚以宋

義為上將軍救之質寶

鉅鹿注見漢靈帝中平元年

章邯以楚地兵不足憂乃北擊趙破邯鄲張耳以趙
王走鉅鹿王離圍之陳餘北收兵得數萬人軍其北
章邯軍其南趙數請救於楚楚王聞宋義先策武信
君必敗召與計事大說之因以為上將軍項羽為次
將范增為末將以救趙義號

集覽

鉅鹿地理志冀州有鉅鹿郡括地志

云邢州平鄉縣鉅鹿故城也按邢州今順德府是先
策武信君必敗先前策料也武信君項梁也宋義嘗
以梁有驕色諫曰將驕卒惰者敗後果敗死卿子冠
軍劉伯莊曰王之孫為王孫公之子為公子卿子謂

卿之子也文穎曰卿子時人相褒尊之辭上將故言冠軍張晏曰冠者加於首上言功冠諸軍之上也

楚遣沛公伐秦

初楚懷王與諸將約先入定關中者王之是時秦兵尚強諸將莫利先入關獨項羽怨秦奮勢願與沛公西諸老將曰羽慄悍猾賊嘗攻襄城襄城無遺類所過無不殘滅且楚數進取皆敗不如更遣長者扶義而西告喻秦父兄秦父兄苦其主久矣今誠得長者往無侵暴宜可下羽不可遣獨沛公素寬大長者可遣王乃遣沛公收陳集覽莫利願師古曰不以入關王項梁散卒以伐秦集覽為利慄悍猾賊漢高本紀作慄悍禍賊顏師古曰慄疾悍勇也禍賊好為禍害而殘賊也慄匹妙反扶義而西言仗大義而西往也顏師古曰扶或作杖杖者倚任之意

發明

三代而下惟漢唐為盛其得天下亦畧相似然唐祖自即位以前皆書其名而沛公自起

兵之後即不以名書之何哉沛公舉兵誅無道秦其名義甚正秦既不得而臣之則稱以沛公宜矣若夫唐公既尊隋煬為太上皇又立其子而事之則君前臣名固其理也綱目循名責實初非厚於漢而薄於唐要在讀者深察而默識之可也

甲午三年

楚二趙二齊二燕三魏二韓二年

冬十一月楚次將項籍矯殺

宋義而代之大破秦軍虜其將王離

宋義至安陽留四十六日不進項羽曰秦圍趙急宜疾引兵渡河楚擊其外趙應其內破秦軍必矣宋義曰今秦攻趙戰勝則兵罷我乘其敝不勝則我鼓行而西必舉秦矣因下令曰有猛如虎狠如羊貪如狼

強不可使者皆斬之遣其子襄相齊送之無鹽飲酒
高會天寒大雨士卒凍飢項羽曰今歲飢民貧卒食
半菽而飲酒高會不引兵渡河因趙食并力攻秦乃
曰承其敝夫以秦之強攻新造之趙其勢必舉何敝
之承且國兵新破王坐不安席掃境內而屬將軍國
家安危在此一舉今不恤士卒而徇其私非社稷之
臣也十一月羽晨朝義即其帳中斬之出令軍中曰
宋義與齊謀反王陰令籍誅之諸將莫敢枝梧共立
羽為假上將軍遣使報命於王王因以羽為上將軍
鉅鹿兵少食盡張耳數召陳餘餘不敢前耳又使張
廩陳澤讓之要與俱死餘使二人將五千人先嘗秦
軍皆沒齊師燕師及耳子敖來救亦未敢擊秦羽乃
使蒲將軍將二萬人渡河絕秦餉道餘復請兵羽乃
悉引兵渡河已渡皆沈船破甑燒廬舍持三日糧以
示士卒必死無還心與秦軍遇九戰皆破之章邯引
却遂虜王離時諸侯軍救鉅鹿者十餘壁莫敢縱兵

及楚擊秦皆從壁上觀楚戰士無不一當十呼聲動
天地觀者人人喘恐既破秦軍諸侯將入轅門膝行
而前莫敢仰視羽由是始為諸侯上將軍諸侯皆
屬焉趙王既得出張耳賁讓陳餘問廣澤所在疑餘
殺之餘怒解印綬予耳耳不受餘起如廁客有說耳
者曰天予不取反受其咎君急取之耳乃佩其印綬
收其麾下餘遂與數百集覽安陽索隱曰按傳寬傳
人去之河上澤中漁獵從攻安陽杠里則安陽
杠里俱在河南師古以為今相州安陽縣時北兵猶
未渡河不應即至相州安陽今檢後魏地形志已氏
縣有安陽城隋改已氏為楚丘今宋州楚丘縣西北
四十里安陽故城是也引兵渡河正義曰渡相州漳
河也無鹽地理志東平郡有無鹽縣括地志云無鹽
今鄆州東宿城是卒食半菽璣曰士卒食蔬菜以菽
雖半之也說文菽豆也羽晨朝莢項羽於早晨朝見
宋義莫敢枝梧如淳曰梧音悟枝梧猶枝捍也璣曰

小柱為枝和柱為梧諸將皆懼服莫敢枝梧營救也
也要與俱死要約也約與俱往攻秦而致死戰先嘗
秦軍崔浩曰嘗猶試也耳子教耳之子名教諸侯將
諸侯及諸將轅門張晏曰軍行以車為陣轅相向為
門故曰轅門禮天官質實一統志云安陽秦之縣名
掌舍曰設宮車轅門屬山陽郡漢改為己氏縣
屬濟陰郡隋改為楚丘縣唐初屬宋州後省之故城
在兗州府曹縣東南五十里漳河在彭德府林縣西
北二十里無鹽古國名秦置縣屬碭郡漢
省之故城在兗州府東平州三十五里

書法

書大破秦軍何惡秦也然則籍無貶乎書次
將書籍殺則籍之罪著矣是故邯鄲之救書

大破秦軍而無忌襲奪之罪不可逃鉅鹿之救書
大破秦軍而項籍矯殺之罪不可掩此功過之權

衡也

發明

不直書曰楚將而必曰次將者正其以下犯上之罪也不直書曰殺宋義而必曰矯殺者

正其專輒無君之罪也籍始見於綱目而罪已如此他日雖欲自立於天下尚可得乎

春二月沛公擊昌邑彭越以兵從

越昌邑人常漁鉅野澤中為羣盜楚兵起澤間少年相聚百餘人請越為長越謝曰臣不願也強請乃許之與期旦日日出會後期者斬至期多後或至日中於是越謝曰臣老諸君強以為長今期多後不可盡誅誅最後者一人皆笑曰何至是請後不敢越竟斬之徒屬皆驚莫敢仰視乃畧地收散卒得千餘人至是以其兵集覽昌邑地理志山陽有昌邑括地志云歸沛公在曹州城武縣東北三十二里梁丘故城是鉅野注見質實一統志云昌邑秦之縣名屬漢獻帝興平二年薛郡漢初改屬山陽郡武帝

封子爵為昌邑王於此後國除以其地併入郡故城在兗州府城西南一百八十里金鄉縣界內鉅野澤在兗州府鉅野縣東五里一名大野澤南北三百里東西一百餘里禹貢大野既豬周禮藪曰大野皆此元末為黃河所決遂涸

沛公使酈食其說陳留下之

沛公過高陽高陽人酈食其家貧落魄為里監門其里人有為沛公騎士者食其謂曰諸侯將過此者吾問之皆握齕自用不能聽大度之言今聞沛公慢而易人多大畧此真吾所願從遊若見沛公謂曰臣里中有酈生年六十餘長八尺人皆謂之狂生生自謂非狂騎士曰公不好儒客冠儒冠來者輒解而溺其中與人言常大罵未可以儒生說也酈生曰第言之騎士從容言之沛公至傳舍則使人召酈生生至入

謁沛公方踞牀使兩女子洗足而見生生長揖不拜
曰足下欲助秦攻諸侯乎且欲率諸侯破秦也沛公
罵曰豎儒天下同苦秦久矣故諸侯相率而攻秦何
謂助秦攻諸侯乎生曰必聚徒合義兵誅無道秦不
宜踞見長者公乃輟洗而起延生上坐問計生曰足
下兵不滿萬欲以徑入強秦此所謂探虎口者也夫
陳留天下之衝又多積粟臣善其令請得使之令下
於是遣生行而引兵隨之遂下陳留號生為廣野君
為說客使諸侯其弟商亦集覽高陽人酈食其索隱
聚衆四千人來屬沛公

集覽

高陽人酈食其索隱
曰陳留圉縣有高陽

鄉司馬彪曰圉有高陽亭括地志云圉城在汴州雍
丘西南正義曰酈食其音歷異基落魄應劭曰魄音
託落魄志行衰惡之貌顏師古曰失業無次也鄭氏
曰魄音薄晉灼曰落薄落託義同為里監門戰國齊
策顏觸對齊宣王曰夫監門閭里士之賤者也鮑彪
曰閭在鄉里在野並五百家皆有門握齧酈生本傳

齷作齷應劭曰握齷齷音若捉促貌齷音若捉鄒氏音鹿角反韋昭曰握齷齷音若捉小節也溺其中溺乃弔反小便也洩溺於冠之中從容從七恭反從容不迫之貌索隱曰謂從任其容止不矜莊也傳舍傳者轉轉相傳之義音株戀反舍亭也猶今館驛驛音若豎儒顏師古曰沛公輕之言其庸劣無智若童豎也陳留古兗州郡今開封府縣臣善其令正義曰言我與陳留縣令相親善請得使之令下令平聲索隱曰彼自歸伏曰下言我請得為使而往說之可令其歸伏廣質實一統志云高野君韋昭曰廣野在河內山陽縣陽里名在開封府杞縣西二十九里陳留古地名春秋時屬鄭後為陳所併故曰陳留秦始置陳留縣漢為陳留郡治晉末郡縣皆廢隋初復置屬宋州後屬梁郡唐初屬杞州又改屬汴州五代屬開封府宋金元仍舊本朝因之復屬開封府

夏四月沛公攻潁川略南陽秋七月南陽守齕降

四月沛公攻潁川因張良略韓地聞趙將司馬卬欲
渡河入關公乃攻平陰絕河津南出轅轅六月畧南
陽郡守齕戰敗走保宛沛公引兵過之張良曰今不
下宛宛從後擊強秦在前此危道也公乃夜從他道
還圍宛七月齕降封殷侯引兵而西集覽潁川秦潁
無不下者所過亡得鹵掠秦民皆喜潁川郡漢獻
徙都之改曰許昌後周改許州韓地戰國策韓分晉
得南陽及潁川之父城定襄潁陽潁陰長社陽翟東
接汝南西接弘農得新安宜陽平陰正義曰縣在河
東汾州轅轅故關名在河南緱氏縣東南索隱曰轅
轅為九十二曲是險道名也南陽郡屬荊州括地志
云在鄧州東北百二十里郡守齕索隱曰齕音蟻郡
守之名失其姓守音狩按漢書景帝中二年始更郡
守為太守殷侯韋昭曰殷在河內正義曰以商帝盤

庚國殷中之地改商為殷在相州安陽即北冢殷虛也南去朝歌百三十六里亡得鹵掠史記亡作毋應劭曰鹵掠與虜畧通按左傳襄二十一年晉欒盈出奔過於周周西鄙掠之注掠音亮奪也

質實

一統志云潁川秦之郡名治長社縣漢為韓國尋置許縣屬潁川郡東漢末獻帝都於此曹魏改曰許昌晉徙潁川郡治此北齊於此置南鄭州後周改許州治長社縣隋改縣因潁川州為潁川郡唐復為許州長社縣五代梁置匡國軍唐改忠武軍宋陞潁昌府金復為許州昌武軍元為許州屬河南路本朝以長社縣省入改屬開封府平陰注見漢光武建武十五年輟輦關在河南府登封縣西北輟輦嶺下南陽秦之郡名治宛縣以其在中國之南而居陽地故曰南陽漢因秦制領於荊州刺史光武起兵舂陵更始立於涓水皆在此地晉為南陽國宋齊並為南陽郡後魏於穰縣置荊州以郡屬焉隋初罷郡置鄧州治穰

宛宛為南陽縣唐初於南陽縣置宛州尋罷五代至宋因之金置申州元陞為南陽府本朝因之隸河南道殷秦之縣名屬邯鄲郡漢省之故城在大名府內黃縣東南三十三里

章邯以軍降楚

章邯軍棘原項羽軍漳南相持未戰秦軍數却二世使人讓邯邯恐使長史欣請事留司馬門三日趙高不見欣恐走還報曰趙高用事於中下無可為者今戰勝高疾吾功不勝不免於死願熟計之陳餘亦遺邯書曰將軍居外久多內卻有功亦誅無功亦誅且天之亡秦無愚智皆知之將軍何不與諸侯為從約分王其地孰與身伏鈇質妻子為戰乎邯狐疑陰使羽約未成羽引兵連戰大敗之邯復請降乃與盟於洹水上立以為雍王置楚軍中而使欣將其軍為前行

集覽

棘原地名在鉅鹿邯南漳南漳水之

南也括地志云漳水今俗名柳河在邢州平鄉縣南
司馬門正義曰凡言司馬門者宮垣內兵衛所在四
面皆有司馬主武事總言之外門為司馬門如淳曰
宮衛令諸出入殿門公車司馬門乘輅傳者皆下不
如今制與漢通然也伏缺質鉄與斧通莖斫刀也質
與鑽通樞也郭璞注三蒼云古者斫人伏於樞上而
斫之故云伏缺質公羊傳加之鉄質注要斬之罪戰
國策范雎曰胸不足以當樞質要不足以待斧鉞
伏缺質樞心猶懷而狐疑注狐多疑而善聽河水
始合伏缺渡必帖耳先聽無水聲而後過故人過河
水者要須伏行然後敢渡因謂多疑者為狐疑也見
六帖又注見秦孝文王元年侍從為前行史記項籍
本紀注行胡郎反漢書項籍傳作行前注置前而行
也質實一統志云漳水在順德府平鄉縣西南一十
里源出山西潞州潞安山流經此縣下至南

和縣即禹貢之漳水也俗又名柳河

書法

凡降讖也以軍降甚讖之也以軍降則非力屈而降也

八月沛公入武關趙高弑帝于望夷宮立子嬰為王九

月子嬰討殺高夷三族考異

討殺高當作討高誅之據罷免例討某誅之注趙高

之類考證

殺當作誅○謹按凡例曰凡誅叛逆成大罪曰討某誅之注云秦趙高漢韓王信諸呂子弘七

國之類夫趙高亡秦其罪浮於韓王信諸呂子弘七國之叛漢也如韓王信諸呂子弘七國皆已曰誅於趙高誤書曰殺今當正之

初中丞相趙高欲專秦權恐羣臣不聽乃持鹿獻於二世曰馬也二世笑曰丞相誤邪謂鹿為馬問左右

或默或言鹿高因陰中諸言鹿者以法後羣臣皆畏之莫敢言其過八月沛公攻屠武關高前數言關東盜無能為至是二世使責讓高恐懼乃與其婿咸陽令閼樂謀詐為有大賊召吏發卒使樂將之至望夷宮殿門縛衛令僕射曰賊入此何不止遂殺之射郎宦者或走或格格者輒死入射上幄坐幃二世怒召左右皆惶擾不鬪旁有宦者一人侍不去二世謂曰公何不早告我乃至於此對曰使臣早言皆已誅安得至今樂前數二世曰足下驕恣誅殺無道天下皆畔其自為計二世曰吾願得一郡為王弗許願為萬戶侯又弗許願與妻子為黔首樂曰臣受命丞相為天下誅足下足下雖多言臣不敢報麾其兵進二世自殺趙高曰秦故王國始皇君天下故稱帝今六國復立宜為王如故便乃立子嬰為秦王以黔首葬二世苑中九月高令子嬰朝見受璽子嬰稱疾不行高自往請子嬰遂刺殺高三族其家以徇

集覽

陰中中竹仲反陰中害之也望夷宮張晏曰在長陵西北長平觀道東故亭處是也臨涇水作之以望北夷括地志云望夷宮在雍州咸陽東南縛衛令句絕謂衛士令士皆繫縛之二世本紀作趙高詐詔衛士令士皆素服持兵內鄉郎官者郎謂郎官宦者黃門閹寺之屬足下蔡邕曰羣臣士庶相與言故呼在殿下閣下足下侍者執事者而先與正誤縛衛令僕射之言因卑達尊之義皆譙辭也今按史記二

世本紀趙高詐為有大賊令閹樂將吏卒至望夷宮殿門縛衛令僕射曰賊入此何不止衛令曰周廬設卒甚謹安得賊敢入宮樂遂斬衛令李斯傳趙高詐詔衛士令士皆素服持兵內鄉入告二世曰山東羣盜兵大至蓋樂所縛者衛令及僕射當於射字句絕其曰賊入此何不止乃閹樂問詞非僕射語也趙高令士皆持兵內鄉即本紀詐為有賊之事實實一統令士之令平聲謂使令也非謂上等士也實實志云

望夷宮在西安府涇陽縣東南
八十里秦建臨涇水以望北夷

書法

綱目廢君而弑之者二十賊討者四弑君者
七十三弑書殺者八賊討者二十六蓋什得

二三焉詳周報王
五年亂豈有已哉

發明

二世之死與隋煬之死何異趙高之逆與宇
文化及之逆何殊然二世書帝而隋煬書其

君廣何哉二世固為無道不過為趙高所愚以至
此極若夫煬之不二道則有不可勝言者矣故所書
不同如此綱目循名責實雖均為亂亡之
事亦權衡輕重於其間觀者不可不察也

沛公擊峽關破之

秦遣兵拒峽關沛公欲擊之張良曰未可願益張旗
幟為疑兵而使酈生陸賈往說秦將啗以利秦將果

欲連和沛公欲許之良又曰不如因其**集覽**峽關峽
怠而擊之沛公遂引兵擊秦軍大破之倪么反

峽山關在京北南晉太康地記武關當南陽冠軍縣
西峽關又在武關西括地志云雍州藍田縣東南有

藍田關即秦**質實**一統志云峽關秦初所置在西安
之峽關也府藍田縣東南九十八里後周改

青泥關隋唐以
來改名藍田關

乙楚義帝心元西楚霸王項籍元漢王劉邦元韓三年
未○雍王章邯塞王司馬欣翟王董翳西魏王豹河南
王申陽殷王司馬卬代王趙歇常山王張耳九江王英
布衡山王吳芮臨江王共敖遼東王韓廣燕王臧荼膠
東王田市齊王田都濟北王田安元年○是歲秦亡新
舊大國三小國十七為二十國而韓塞翟遼東膠東齊
濟北七國皆亡○又韓王鄭**考異**楚義帝心元分注楚
昌齊王田榮元年定十五國**義帝心西楚霸王項**

籍漢王劉邦及諸小國名冬十月沛公至霸上秦王子
本係朱注皆當用白字

嬰秦璽符節以降

沛公至霸上秦王子嬰素車白馬繫頸以組封皇帝
璽符節降軹道旁諸將請誅之沛公曰始懷王遣我
固以能寬容且人已降殺之不祥乃以屬吏賈誼曰
秦以區區之地致萬乘之權招八州而朝同列百有
餘年然後以六合為家殽函為宮一夫作難而七廟
墮身死人手為天下笑者何也仁義不施而攻守之
勢異也胡氏曰攻守無異勢秦以集覽繫頸以組應
詐力得之豈有能施仁義之理邪劬曰組天子
之韍也繫頸者以示降服欲自殺也詩話云組間次
五彩為之記內則組紉疏云薄濶為組似繩者為紉
紉音巡軹道索隱曰軹音只漢書宮殿疏云軹道亭
東去霸城觀四里觀東去霸水百步蘇林云在長安

東十三里括地志云軹道在雍州萬年東北十六里
苑中招八州使朝已也漢書招八州注招音翹舉也
強而抑八州其一則天子之縣餘八州在外記王制八
海內九州是也殷函字與嶠函通嶠謂嶠山今陝縣東
州八伯是也元和志云東嶠至西嶠三十五里在秦關
二嶠是也之東漢關之西括地志云嶠山一名嶽岑山在洛州
永寧縣西北即古之嶠道也函謂函谷在陝西桃林
縣南十二里有洪濶澗水山形如函故稱函關路左
谷口故名函谷七廟董董與蒙通廢也記王制天子
七廟三昭三穆與太祖之廟而七注此周制七者
太祖及文王武王之祧與親廟四太祖后稷也
賢一統志云軹道在西安府城東一十三里嶠山在
河南府永寧縣北六十里函谷在河南府新安縣

東二里

阮塞阮乙革反又於賣反亦塞也塞悉則反縞素為
資爾雅曰縞皓也注縞繒之精白者素無采飾也晉
灼曰資藉也欲令沛公反秦奢秦服儉素以為藉也
抵罪應劭曰抵至也當也除秦酷政但至於罪也李
斐曰傷人有曲直盜賊有多少罪名不可預定故凡
言抵罪未知抵何罪也張晏曰秦法一人犯罪舉家
及隣伍皆坐之今但當其身坐父子兄弟罪不相及

書法

特筆也漢之所以得天下也以此故高帝入
咸陽則書曰除秦苛法光武至河北則書曰

除莽

苛政二

漢之興宜哉

發明

前年書楚遣沛公伐秦則沛公奉詞伐罪師
為有名矣是年書秦王子嬰降沛公則沛公

仗義入關已能誅無道秦矣至此還軍霸上除秦
苛法揭而書之則仁義之舉雖未足以追配湯武

然亦庶幾不嗜殺人之意者夫秦以苛酷結怨于民沛公入秦首除其虐如救焚拯溺深得弔民之理其寬大愛人雍容氣象於茲可想孟子有言民之歸仁也猶水就下故雖三代之得天下亦不過如是而已惟台前後所書觀之則漢業之興非苟然者孰謂其起於叛亡亭長而能若是乎

項籍詐阬秦降卒二十餘萬於新安

項羽率諸侯兵欲西入關先是諸侯吏卒繇戍過秦中秦人遇之多無狀及秦軍降楚諸侯吏卒乘勝折辱奴虜使之秦吏卒多怨竊言羽計衆心不服至闕必危於是夜擊阬二十餘萬人新安城南而獨與章邯及長史欣**集覽**遇之多無狀遇待也無狀謂待之都尉翳入秦多不以禮其狀無可寄言也新安邑名去弘農東三百餘里漢武徙函關於此括地志云新安故城在洛州澠池縣東二十里

質實

一統志云新安春秋時西周地秦名新安漢置新安縣屬河南郡晉因之後周改東垣縣置中州後省州置新安郡隋復改東垣為新安縣屬穀州後省州以縣屬河南郡唐初屬洛州後屬河南府宋及金元俱仍舊本朝改屬河南府

書法

前書阮降卒四十萬矣於是再見著殘也終綱目書阮降卒二周報王五十五年是年舍

是無書者矣

發明

白起殺降雖後世兵家者流亦惡之秦亡之亟起與有力焉籍方欲入關誅無道秦乃挾

詐而阮降卒至於二十餘萬衆如水益深如火益烈其斬刈之慘復一秦耳果何以慰斯民之望哉綱目於此不止書阮而書曰詐阮則籍之罪又浮於起矣

沛公遣兵守函谷關項籍攻破之遂屠咸陽殺子嬰掘

始皇帝冢大掠而東質寶

一統志云秦始皇冢在西安府臨潼縣東南二里驪山下

或說沛公急遣兵守函谷關無內諸侯軍沛公從之項羽至大怒攻破之進至戲饗士卒欲擊沛公時羽兵四十萬在鴻門沛公兵十萬在霸上范增曰沛公居山東時貪財好色今入關財物無所取婦女無所幸此其志不在小急擊勿失羽季父項伯素善張良夜馳告之欲與俱去良曰良為韓王送沛公今有急亡去不義因固要伯入見沛公公奉卮酒為壽約為婚姻曰吾入關秋毫不敢有所近籍吏民封府庫而待將軍所以守關者備他盜耳日夜望將軍至豈敢反乎願伯具言臣之不敢倍德項伯許諾曰旦日不可不蚤自來謝去具以告羽且曰人有大功而擊之不義不如因善遇之羽曰諾沛公旦日從百餘騎來

見羽謝羽因留飲范增數目羽舉所佩玉玦示之者
三羽不應增出使項莊入前為壽請以劍舞因擊沛
公殺之莊入為壽畢拔劍起舞項伯亦拔劍起舞常
以身翼蔽沛公莊不得擊於是張良出見樊噲告以
事急噲帶劍擁盾直入瞋目視羽頭髮上指目眦盡
張羽曰壯士賜卮酒一生彘肩噲立飲啗之羽曰
能復飲乎噲曰臣死且不避卮酒安足辭夫秦有虎
狼之心天下皆叛懷王與諸將約曰先入咸陽者王
之今沛公先破秦入咸陽勞苦功高未有封爵之賞
而將軍聽細人之說欲誅有功之人此亡秦之續耳
竊為將軍不取也羽無以應命之坐沛公遂起如廁
脫身獨騎噲等步從趣霸上留張良使謝羽羽問沛
公安在良曰聞將軍有意督過之脫身獨去已至軍
矣因以白璧一雙獻羽玉斗一雙與增羽受璧增拔
劍撞破玉斗曰唉豎子不足與謀奪將軍天下者必
沛公也吾屬今為之虜矣居數日羽引兵西屠咸陽

段秦降王子嬰燒宮室火三月不滅掘始皇帝冢收
貨寶婦女而東秦民大失望韓生說羽曰關中阻山
帶河四塞之地肥饒可都以霸羽見秦殘破又思東
歸曰富貴不歸故鄉如衣繡夜行耳韓生退曰人言
楚人沐猴而冠果集覽鴻門地名在戲西續漢志云
然羽聞之烹韓生新豐東十七里舊大道北下
阪口名也姚察曰在新豐古城東未至戲水道南有
斷原南北洞門是項伯顏師古曰伯其字也索隱曰
名纏字伯陵奉卮酒為壽漢高本紀奉玉卮為太上
皇壽應劭注卮飲酒禮器也灌夫傳起為壽如淳注
上酒為稱壽非大行酒來謝去來謝句絕去字為句
謂項伯回去也數目頻數動目以諭之玉玦玦玉佩
也如環而有缺左傳閔二年衛懿公與石祁子玦注
玦玉玦也示以當決斷也即此曰唉為句徐廣曰唉
烏來反索隱音虛其反皆嘆恨發聲之辭阻山帶河
戰國秦策被山帶渭注言山關之險阻如被河渭之

圍繞如帶四塞之地正義曰東有黃河函谷蒲津龍門合河等關南有南山及武關峽關西有大隴山及隴山關大震烏蘭等關北有黃河南塞是謂四塞之地沈攸之冠張晏曰沐猴獼猴也雖著人衣冠心不類人索隱曰言獼猴不任久著冠帶以喻楚人性躁暴

質實 一統志云鴻門阪名在西安府臨潼

縣東一十七里即漢高帝會項羽處舊有鴻門亭在焉

書法

上書沛公還軍霸上除秦苛法下書項籍詐

降卒二十餘萬北書屠成陽殺子嬰掘始皇冢大掠而東劉項之仁暴分矣漢楚之興亡兆矣書屠何著暴也子嬰不書王已降也書屠始此終綱目書屠八項籍宋辛酉年北涼屠燉煌梁庚午年侯景屠廣德唐大曆三年李晟屠定秦堡光緒三年倭屠高麗光化二年劉仁恭屠貝州五代丁未年契丹屠相州庚戌年契丹屠內丘書發

家始北終綱目山陵書發七項籍漢建武二年赤
司建康元年盜發惠陵初平元年董卓晉建興三
年盜發杜霸府天福二年盜發簡陵戊辰年溫
始發昭陵書燒園陵不與焉漢順帝永和六年
發明沛公入關其雍容寬大之氣象見於綱目之
大掠其輒忽震蕩之勢如雷電鬼神之不可測雖
秦人之暴亦未若是之烈其視沛公真鴻臚之比
祥鸞爾後之欲觀劉項
之得失者當以是考之

春正月項籍尊楚懷王為義帝

項羽既入關使人致命懷王王曰如約羽怒曰懷王
者吾家所立耳非有功德何以得專主約天下初發
難時假立諸侯後以伐秦然被堅執銳暴露三年滅
秦定天下者皆將相諸君與籍力也懷王雖無功固

當分地而王之乃陽尊懷王為義帝又曰古之帝集

覽

初發難時服虔曰謂兵初起時也難乃憚反暴露

暴蒲北反亦露也上游游即流也謂當居水之上

流柳音五林反縣名秦屬

長沙漢屬荊州今郴州是

質實

一統志云柳秦之縣名屬長沙郡漢初於

郴州置桂陽郡屬荊州晉屬江州隋廢郡置郴州大業初復為桂陽郡唐置郴州天寶初隸江南道五代晉改為敦州漢復為郴州隸荆湖南道元

置郴州路本朝改為郴州直隸湖廣道

二月項籍自立為西楚霸王集覽

西楚史記猗頓傳曰夫自淮北沛郡陳州

汝南郡此西楚也彭城以東東海吳郡廣陵此東楚也衡山九江江南豫章長沙此南楚也孟康曰舊名江陵為南楚吳為東楚彭城為西楚

王梁楚地九

郢都彭城

質實 彭城注見秦始皇帝二十八年

立沛公為漢王

項羽與范增疑沛公而業已講解又惡負約以巴蜀
道險秦之遷人居之乃曰巴蜀亦關中也立沛公為
漢王王巴蜀漢中都南鄭而三
分關中王秦降將以距塞漢路
曰解折伏也漢書作講解注蘇林曰講和也索隱
與講俱訓和也已然曰業言雖有疑心然事已和解
也巴蜀二郡名巴郡注見周顯王五年蜀郡注見漢
後主建興三年漢中注見漢光武建武二年南鄭注
見周安王
十五年

章邯為雍王

王咸陽以集覽廢丘韋昭曰周時名太丘懿王所都
西都廢丘集覽秦欲廢之故曰廢丘地理志漢高引
水灌廢丘章邯自殺更名槐里縣屬扶風括
地志云廢丘故城在雍州始平東南十里質實一
志云廢丘古地名周為太丘地秦名廢丘漢初置槐
里縣後析置茂陵平陵二縣三國魏改平陵曰始平
晉置始平郡領槐里始平等縣後魏省始平郡以縣
屬扶風郡唐改始平曰金城縣至德初置興平軍尋
改為縣宋金元仍舊本
朝因之改屬西安府

司馬欣為塞王

王咸陽以東都櫟陽以集覽塞王塞名桃林正義曰
故嘗有德於項梁也集覽古塞國在長安之東括
地志云今陝州桃林縣以西至潼關質實一統志云
皆是桃林塞櫟陽注見周顯王八年質實桃林塞在

河南府靈寶縣西至潼關即周武王放牛處

董翳為翟王

王上郡都高奴以勸章即降楚也

集覽

翟王索隱曰翟音狄或音宅文穎曰本上郡也項羽更名

曰翟高奴索隱曰今鄜州高奴城正義曰質實一統志云

上郡邑括地志云延州城即漢高奴縣也高奴秦之縣名屬上郡三國魏省之故城在延安府鄜州城東五里

徙魏王豹為西魏王

王河東都平陽項籍自欲取梁地也

立申陽為河南王集覽

申陽姓名張耳之嬖臣

都洛陽以先下
河南迎楚也

司馬卬為殷王

王河內都朝歌以

集覽

殷王殷注見秦二世三年河
內注見漢桓帝延熹九年朝

歌改城在今衛州東北本妹邑也書酒誥明
大命于妹邦注妹地名紂所都朝歌以北是

質實

朝歌

邑名注見秦

王政六年

徙趙王歇為代王集覽

代王古代國漢置
雲中鴈門代郡

質實

一統志
云代古

國名春秋時為晉地戰國時屬趙秦置代縣屬代郡漢
封代王於此為代國東漢末廢後魏於此置靈丘縣後
周兼置蔚州隋郡廢州存大業初州廢唐復置蔚州治
靈丘至德初改安邊郡後復為蔚州遼置忠順軍金為

蔚州元至元初省州為靈仙縣屬弘州尋復為州屬宣德府本朝因之改屬大同府

居代

立張耳為常山王

王趙地治襄國以從入關也

集覽

常山注見漢光武建武九年襄國地理志故邢侯國秦置信都

縣屬鉅鹿括地志云

質實

一統志云襄國本周時之邢國地春秋時屬晉戰國

今邢州城本漢襄國

時屬趙秦置信都縣屬鉅鹿郡項羽改襄國漢屬鉅

鹿常山二郡及趙廣平二國晉時為石勒所據石虎

改置襄國郡後魏改為襄國縣後周仍於縣立郡隋

初廢郡以縣屬洛州開皇中置邢州大業初復改為

襄國郡唐初為邢州置總管府天寶初改為鉅鹿郡

乾元初復為邢州五代梁為保義軍節度唐改為安

國軍宋陞為信德府金改邢州仍置安國軍元初置
元帥府尋改安撫司中統初陞順德府至元初改為
順德路本朝改為
順德府直隸京師

英布為九江王

都六以為楚集覽九江地理志九江在廬江郡潯陽
將常冠軍也縣英布為九江王是也正義曰九
江郡壽州是楚考烈王自陳徙壽春號曰郢至王負
弔為秦將王翦蒙武所滅秦於此置九江郡應劭曰
自置江潯陽分為九江按郡國志今無為軍秦九江
郡也漢高更置淮南國羅璧識遺曰今詳秦九江郡
今淮東江西諸郡是漢復置九江實寶一統志云九
郡今淮東潯和真濠壽等州是江實寶江秦之郡名
春秋時為六國地楚遷都于此秦為壽春邑置九
江郡漢初為淮南國武帝時復為九江郡東漢為揚

州刺史治所置淮南郡東晉改壽陽郡元魏置揚
州梁改豫州東魏北齊復為揚州陳為豫州後周又
為揚州隋治於北齊初置壽州後改淮南郡唐為壽
州天寶初改壽春郡乾元初復為壽州五代唐為順
化軍南唐改清淮軍宋置壽春府後改安豐軍元置
安豐路本朝改為壽州以壽春縣省入屬鳳陽府六
古國名故城在廬州府舒城縣東
南六十里又注見秦二世二年

吳芮為衡山王

都尉以率百集覽衡山地理志安國六縣漢衡山國
粵從入尉也詳注見漢景帝四年和江夏邑
正義曰都尉在黃州黃岡東南括地志云故郢城在
潭州東南百二十里春秋郢國也楚滅郢遷其人於
淮南國實實一統志云郢古國名楚滅其君號其國
以名縣實實為郢城秦屬南郡漢置郢縣屬江夏郡

後廢之故城在黃州府城西北一百二十里項羽立吳芮為衡山王即此

共敖為臨江王

都江陵以擊南郡功多也**集覽**共敖姓名共音恭臨江秦時南郡

楚之郢都三國吳立**質實**臨江注見漢獻帝建安十

二年荆州帝建安十

徙燕王廣為遼東王

都無**集覽**無終燕郡邑在蔚州蜚狐縣北七里本春

終如正誤無終今按項籍徙燕王廣為遼東王都無終

終歸古無終子國又後質實一統志云無終春秋漢曰時歸無終亦其地也時國名漢為無終縣屬右北平元魏屬漁陽郡後省唐復置屬幽州後為王田時屬薊州宋為經州金復為玉田縣元仍舊本朝司之屬順天府

燕將臧荼為燕王

都薊以從楚救趙入關也集覽薊字與郟通音計廣陽郡邑屬幽州分按地理志秦漁陽郡也質實一統志云薊秦之縣名屬漁陽郡漢因之魏晉屬幽州隋初徙玄州于此後復置漁陽郡唐置薊州取古薊門關以名天寶初改漁陽郡乾元初復為薊州遼置尚武軍宋改廣州軍金屬中都路元仍為薊州隸大都路本朝因之以漁陽縣省入改屬順天府

徙齊王市為膠東王

都即墨

集覽

膠東括地志云即墨故城在密州膠水縣東南六十里即墨東國即墨注見上膠東

質實

一統志云即墨齊之邑名以其地臨墨水故名即墨漢置縣為膠東國治東漢屬北海國晉屬

濟北國北齊省隋復於不其故城東北二十七里復置即墨縣即今治唐宋仍舊元屬膠州本朝改屬萊

州府

齊將田都為齊王考異

據上文書申陽為河南王張耳為常山王承上徙魏豹趙歇之

下皆書立則此燕將齊將上皆漏立字

都臨菑以從楚救趙入關也

質實

一統志云臨菑本齊國營丘地秦置臨菑縣屬北海郡漢置營

陵縣為北海郡治所東漢又置臨淄縣為齊國治北齊省臨淄入益都縣隋復置臨淄縣屬北海郡唐屬青州宋屬鎮海軍金屬益都府元併入益都縣後復置本朝因之屬青州府

田安為濟北王

都博陽以下濟集覽博陽在濟北索隱曰按地理志北引兵降楚也屬汝南濟北郡在濟水北即穀城也正義曰濟北國今齊州盧縣是

夏四月諸侯罷兵就國○漢以蕭何為丞相遣張良歸韓

初漢王以項羽負約怒欲攻之蕭何曰雖王漢中之惡不猶愈於死乎王曰何也何曰今衆不如百戰百

敗不死何為夫能誅於一人之下而信於萬乘之上者湯武是也臣願大王王漢中養其民以致賢人收用巴蜀還定三秦天下可圖也王曰善乃就國以何為丞相項王使卒三萬人從漢王之國楚與諸侯之募從者數萬人張良送至褒中王遣良歸韓良因說王燒絕所過棧道以備盜兵且示羽無東意胡氏曰人有常言皆曰用賢所以養民也蕭相國乃謂養民以致賢人何也曰此無所因襲獨見之言也夫天之以君以為民也君之求臣以行保民之政也臣之事君以行安民之術也故世主無養民之心則天下之賢人君子不為之用而上之所得者莫非殘民害物之人是以民心日離君勢日孤亡秦之轍可以鑒矣蕭何有見乎此而高祖聞言集覽三秦雍王章邯塞即悟漢業之興不亦宜哉王司馬欣翟王董翳項羽三分關中地而王之是謂三秦褒中括地志云漢中郡褒中縣又名南鄭正義曰即褒城也又注

見漢成帝元
延三年褒斜
質實一統志云褒中古襄國漢置褒中縣屬漢中郡以地在褒谷中故名

晉義熙末改褒中縣後魏置褒中郡隋初改褒中縣尋改曰褒城後復為褒中唐貞觀初復為褒城縣宋仍舊元徙治於山河堰東南

五里本朝因之屬漢中府

五月齊田榮擊走齊王都遂弑膠東王市自立為齊王
秋七月使彭越擊殺濟北王安又擊破西楚軍

田榮聞項羽徙田市而立田都為齊王大怒拒擊都走之因留市不令之膠東市畏羽竊亡之國榮怒追擊殺之是時彭越在鉅野有衆萬餘人無所屬榮與越將軍印使擊田安殺之遂并王三齊又使越擊楚大破集覽三齊漢書音義曰齊與濟北膠東也三齊其軍記云右即墨中臨淄左平陸謂之三齊

發明榮與市皆田族也當逐鹿之世民無定主惟
力是與籍之徙市王膠東固非本於公道前
史皆以榮怒擊而殺之為詞至綱目始正其弑逆
之罪何哉秦二世二年已書榮立市為王而相之
至是雖為羽所徙則榮固市之臣也正名定罪復
何疑耶夫世故雖有亂雖綱常未始或紊觀綱目
所書如李良之於武臣莊賈之於陳勝臧荼之於
燕廣榮之於市皆按其罪而誅之于以見昏亂之
中天理未嘗或亡扶三綱立人極其垂世
教也大矣故曰綱目修而亂臣賊子懼

西楚殺韓王成張良復歸漢

項王以張良從漢王廢韓王成而殺之良遂間行
歸漢良多病未嘗持將嘗為畫策臣時時從漢王
書法前歸沛公不書書沛公得張良矣此其書復
歸漢何成不殺良不歸書復歸者良心也良

之心奈何一於
為韓而已矣

發明前此良已書歸韓矣至是韓王見殺於楚良
下網目合而書
之蓋有深意

漢王以韓信為大將留蕭何給軍食八月還定三秦雍
王邯迎戰敗走廢丘塞王欣翟王翳降

初淮陰人韓信家貧無行不得推擇為吏又不能治
生商賈約於城下有漂母見其飢而飯之信喜曰吾
必有以重報母怒曰大丈夫不能自食吾哀王孫
而進食豈望報乎淮陰少年或衆辱之曰若雖長大
好帶刀劍中時怯耳能死刺我不能死出我袴下於
是信熟視之後出袴下一市皆笑及項梁渡淮信仗

劍從之後又數以策干羽不用亡歸漢未知名坐法
當斬其輩皆已斬次至信信仰視適見滕公曰上不
欲就天下乎何為斬壯士滕公奇其言壯其貌釋不
斬與語說之言於王王亦未之奇也信數與蕭何語
何奇之王至南鄭將士皆歌謳思歸多道亡者信度
何等已數言王不我用即亡去何不及以聞自追之
人言於王曰丞相何亡王怒如失左右手居一二日
何來謁王罵曰若亡何也曰臣不敢亡追亡者耳王
曰所追者誰曰韓信也王復罵曰諸將亡者以十數
公無所追追信詐也何曰諸將易得如信國士無雙
王必欲長王漢中無所事信必欲爭天下非信無足
與計事者願王策安決耳王曰吾亦欲東耳安能鬱
鬱久居此乎何曰計必東能用信信即留不然信終
亡耳王曰吾為公以為將何曰信不留也王曰與為
大將何曰幸甚於是王欲召信拜之何曰王素慢無
禮今拜大將如呼小兒此信之所以去也必欲拜之

擇日齋戒設壇具禮乃可耳王許之諸將皆喜人人
自以為得大將至拜乃韓信也一軍皆驚禮畢上坐
王曰丞相數言將軍將軍何以教寡人乎信辭謝因
曰大王自料勇悍仁彊孰與項王王默然良久曰不
如也信再拜賀曰唯信亦以為大王不如也然臣嘗
事項王請言項王之為人也項王喑噤叱咤千人皆
廢然不能任屬賢將此匹夫之勇耳見人慈愛言語
嘔嘔至人有功當封爵者卽刳敝忍不能予此婦人
之仁也雖霸天下不居關中而都彭越城背約而以親
愛王諸侯不平逐義帝置江南所過殘滅民不親附
名雖為霸實失天下心故其彊易弱今大王誠能反
其道任天下武勇何所不誅以天下城邑封功臣何
所不服以義兵從思東歸之士何所不散且三秦王
將秦子弟數歲所殺亡不可勝計又欺其衆降諸侯
及項王阮秦卒惟此三人得脫秦父兄怨之痛入骨
髓而楚彊以威王之大王入關秋毫無所害除秦苛

法於諸侯之約又當王關中而失職入漢中秦民無
不恨者今舉而東三秦可傳檄而定也王大喜自以
為得信晚遂部署諸將留蕭何收巴蜀租給軍糧食
八月從故道出章邯迎戰敗走廢丘王至咸陽欣翳
皆降張良遺項王書曰漢王失職欲得關中如約即
止不敢東又以齊梁反書遺之羽以故無西意而北
擊集覽無行謂無善行也漂母漂匹妙反韋昭曰以
齊集覽水打絮為漂飯之飯符晚反飼之也自食讀
曰飼王孫蘇林曰如言公子也蓋尊稱之耳袴下袴
一作胯胯股間也索隱曰胯枯化反然尋此文作袴
欲依字讀胡為不通何必須要作胯下滕公夏侯嬰
無所事信張晏曰無所用信暗噤叱咤千人皆廢索
隱曰暗烏鴉反噤烏路反叱尺栗反咤卓嫁反暗噤
懷怒氣叱咤發怒聲暗噤叱咤漢書作意烏倅嗟李
奇曰皆廢言皆失氣不敢當也孟康曰廢伏也張晏
曰廢偃也言語嘔嘔索隱曰嘔匈于反悅言也字與

姁通漢書作姁姁鄧展曰和好貌印利敝忍不能予
漢書音義曰利烏丸反利角之利訛缺也言封爵之
印雖已刻而手弄角訛不忍授也酈食其傳曰項王
為人刻印利而不能授孟康曰利斷無復廉鍰也璜
曰項羽吝於爵賞利惜侯印不能以封人索隱曰按
郭象注莊子云立法而利斷無圭角漢書作玩言玩
惜不忍授人也關中三輔舊事曰東有函谷關南有
峽關武關西有散關北有蕭關居四關之中故名關
中以親愛王以所親所愛者皆封王何所不散顏師
古曰散謂四散而立功也索隱曰用東歸之兵擊東
方之敵此敵無不散敗也欺其衆降諸侯先是秦圍
鉅鹿羽遣兵救之秦軍數卻二世使人讓章邯邯遂
降羽羽立為雍王置楚軍中乃使長史欣為上將將
秦軍前行是年羽將諸侯兵三十萬畧地至河南遂
西到新安及秦軍降諸侯諸侯吏卒乘勝奴虜折辱
之可傳檄而定索隱曰檄尺書也傳檄書以責所伐

者顏師古曰可傳檄而定言不足用兵也從故道出地理志武都有故道縣括地志云鳳州兩當縣漢故道也故亦作固後魏置正誤自食今按食如字王孫固道郡西魏改鳳州母必素識之信欲重報蓋非一飯稱王孫安知非韓國之後邪以親愛王今按以親愛王諸侯不平八字通為質實一統志云故道秦之縣名屬隴西郡即春秋時氐羌所居之地漢初屬武都郡晉陷於氐後魏置兩當郡及縣因界內兩當水為名隋廢郡以縣屬鳳州唐因之宋徙治廣鄉鎮元仍舊屬徽州本朝因之改屬鞏昌府

書法

給軍食未有書者此其書何特筆也漢之業蕭何為之

西楚立鄭昌為韓王○燕王荼弒遼東王廣

書法

皆王矣其書弒何廣故君也雖並立為王而君臣之分不可泯綱目之書法嚴矣哉是故

茶嘗臣廣則書燕王茶弒遼東王廣
則書後秦王苻弒秦王堅

晉孝武帝太元十年

○王陵以兵屬漢

陵沛人聚黨居南陽至是始以屬漢楚執其母欲以招之其母因使者語陵曰漢王長者終得天下無以我故持二心遂伏劍而死

丙西楚二年漢二年○是歲楚常山河南韓殷雍魏七中國皆亡凡二大國及代九江衡山臨江燕齊六小國為八國又趙王歇後元代王陳餘韓王信皆元年而齊王假王廣代立定十二國
年提要分注無是歲止
冬十月西楚霸王項籍弒義帝
定十二國六十三字

考異

西楚二年漢二

於江中

項籍使人趣義帝行其大臣稍稍叛之籍乃密使吳芮黥布共教擊殺之江中

發明

嗚呼君臣天地之大義也臣之事君猶子之事父亘古今而不可易是以陳恒之事孔子

已告老矣且沐浴請討豈非天地大變天理之所不容故不忍與之並立乎世此蓋萬世之通誼也籍世為楚將北面事之義帝索王之孫項梁立以為君大義已定籍何得而弑之乎況籍起自偏裨矯殺卿子冠軍宰割天下率徇己私義帝不能誅籍而籍反弑帝其惡可勝道哉揭而書之稱國稱爵稱名所以著籍擅暴大逆之罪至是始無所容於天地之間然後義兵可舉人皆得而誅之矣密擊江中果可

以徵天下乎

陳餘以齊兵襲常山王耳走漢代王歇復為趙王立餘為代王

初田榮數負項梁又不從楚擊秦以故不封陳餘不從入關亦不封客或說羽曰張耳陳餘一體今耳王餘不可不封羽不得已封之三縣餘怒使人說齊王曰項羽為天下宰不平盡王諸將善地徙故王於魏地頭大王膏餘兵擊常山復趙王齊王許之共襲常山耳亡走漢餘迎代王歇復王趙歇立餘為代王餘留齊趙王而集賢夏說即成受使夏說音悅君也說音悅

漢王如陝鎮撫關外父老○河南王陽韓王昌降漢○十一月漢立韓王孫信為韓王○漢王還都櫟陽質實

樂陽注見周
顯王八年

○春正月楚擊齊王榮敗走死楚復立田

假為齊王

項羽所過燒夷城郭室屋阮其降卒繫
虜老弱婦女多所殘滅齊民相聚叛之

三月漢王渡河魏王豹降虜殷王卬以陳平為護軍中

尉

陽武人陳平家貧好讀書里中社平為宰分肉食甚
均父老曰善陳孺子之為宰平曰嗟乎使平得宰天
下亦如是肉矣事魏王咎為太僕不用去事項羽殷
王反羽使平擊降之還拜都尉賜金二十鎰及漢下
殷羽怒將誅定殷將吏平懼乃封其金與印使使歸
羽乃挺身伏劍間行歸漢因魏無知求見王與語說

之問居楚何官曰為都尉即拜都尉使參典護軍諸將盡謹王聞之益厚平周勃等言於王曰陳平雖美如冠玉其中未必有也居家時嘗盜其嫂今為護軍多受諸將金平反覆亂臣也願王察之王召讓魏無知無知曰臣所言者能也王所問者行也今有尾生孝已之行而無益勝負之數王何暇用之乎王召讓平曰先生事魏不終事楚而去今又從吾游信者固多心乎平曰魏王不能用臣故去項王不能信人所任愛非諸項即妻之兄弟臣聞漢王能用人故來歸然裸身來不受金無以為資誠臣畫計有可采者願大王用之使無可用者金具在請封輸官得乞骸骨王乃謝平厚賜之拜護軍中尉盡護諸將諸將乃不敢集覽里中社索隱曰其里名庫上蔡邕陳留東復言集覽昏庫上里社碑云惟斯庫里古陽武之牖鄉陳平由此社宰遂相漢高魏王咎咎巨久反魏王之名殷王趙將司馬卬將誅定殷將吏將欲誅之為

其定殷無功也盡謹索隱曰謹譁也音懽又音喧謹
而議也漢書作皆怨美如冠玉漢書作平雖美丈
夫如冠玉耳音義曰飾冠以玉光好外見中無所有
尾生莊子曰尾生與女子期於梁下女子不來水至
不去抱梁柱而死注尾生一本作微生或曰即微生
高也有信行孝已殷高宗子有孝行事親一夜五起
母早死高宗惑後妻之言放之而死所任愛所用皆
所愛者裸身來初平懼羽誅乃封所賜金與印還羽
而渡河舟人疑其有金目之欲殺平
平乃解衣羸而佐刺船示無懷挾
任用親
愛者

漢王至洛陽為義帝發喪告諸侯討項籍

漢王至洛陽新城三老董公遮說曰順德者昌逆德
者亡兵出無名事故不成故曰明其為賊敵乃可服

項羽無道放殺其主天下之賊也夫仁不以勇義不以力大王宜率三軍為之素服以告諸侯而伐之則四海之內莫不仰德此三王之舉也於是漢王發喪哀臨三日告諸侯曰天下共立義帝北面事之今項羽弑之大逆無道寡人悉發關中兵收三河士願從諸侯王擊楚之殺義帝者胡氏曰天下苦秦諸侯並起名其師者曰誅無道秦可矣今秦已滅諸侯各有分地而漢又起兵雖曰項羽為政不平顧亦伸已私忿耳非義兵也及董公獻言漢王大臨然後項羽弑君之罪無所容於天地之間而天下歸於漢王可坐而策矣故隨何陳此義而下九江酈生陳此義而下全齊於是楚人背無所倚右斷其臂雖欲不亡不可得矣

集覽

新城

三老董公遮說新城鄉名三老官名說音稅百官表秦法十里一亭十亭一鄉鄉置

有秩三老一人掌教化又擇鄉三老中一人為縣三老楚漢春秋云董公八十二歲其名未詳秦世隱士

遮道而說遂封為成侯樂彥云橫道自言曰遮說放殺放逐也殺讀曰弑下之殺同分地分扶問反凡裂地以封諸侯其受封者皆有分也

書法

漢之初起綱目書起兵楚遣入闕書伐皆有

復以失職興兵雖曰不為無辭然其為說亦微矣故綱目止書曰還定三秦而已及是三軍縞素聲項籍弑君之罪而肆伐焉則義師也故綱目以討書之而項籍自是斥名

發明前已書籍大逆之罪此又書漢王為義帝發喪告諸侯討項籍則籍為天下之罪人不可自立於世而漢之師為有名矣表而出之既以聲羽之大惡又以予漢之討賊也

夏四月齊王榮弟橫立榮子廣為王擊王假走之○漢

王率五諸侯兵伐楚入彭城項籍還破漢軍以漢太公

呂后歸

項羽雖聞漢東欲遂破齊而後擊漢以故漢王得率五諸侯兵凡五十六萬人伐楚楚彭越收魏地得十餘城至是將其兵三萬人歸漢請立魏後漢王曰西魏王豹真魏後乃以彭越為魏相國將其兵畧梁地遂入彭城收其貨寶美人日置酒高會羽聞之自以精兵三萬還擊破漢軍漢軍入穀泗及睢水死者二十餘萬人水為不流圍漢王三匝會大風晝晦王乃得與數十騎遁去欲歸沛收家室道逢子盈及女載以行而太公呂后為楚軍所獲諸侯復背漢與楚王間往從呂后兄周呂侯於下邑收其兵胡氏曰盤水可奉而志難持六馬可調而氣難御使漢王於是時兢兢業業如初入關中見羽鴻門則亦何至於敗哉今

志不持而氣為帥狃於小勝而逸欲生焉是以至於此耳且是行也直欲破羽之國都歟則宜亟還滎陽以主待客可也若欲致羽而與戰歟則宜分部諸將據險邀擊可也今乃淹留引曰肆志寵樂而羣臣亦寂無諫者豈良平諸公集覽

五諸侯兵徐廣曰塞王

集覽

五諸侯兵徐廣曰塞王

不在行歟嗚呼危哉

集覽

五諸侯兵徐廣曰塞王

應劭曰雍翟塞殷韓韋昭曰時雍已敗乃塞翟殷韓魏也顏師古曰諸家之說皆非此年十月常山王張耳降河南王申陽降韓王鄭昌降魏王豹降虜殷王仲皆漢東之後故知此為五諸侯也劉貢父曰張耳奉頭鼠竄安得有兵五諸侯者蓋陳餘其一也穀泗

瓚曰穀泗二水皆在沛郡彭城縣睢水徐廣曰睢水在彭城靈璧縣東入泗指地志云睢水首受浚儀縣

菰蕩渠水東經臨慮縣入泗過沛其西行千二百里矣睢音雖子盈漢王子名盈是為惠帝王間往間去

聲從微道而往也周呂侯徐廣曰名澤晉灼曰外戚

表周呂令武侯澤也呂縣名封於呂以為國顏師古
曰周呂封名令武侯其證也蘇林以姓名侯非也下邑
徐廣曰在梁括地志云宋州碭山縣本下邑縣在宋
州東北五十里盤水可奉奉讀曰捧盤水注見漢文
帝六年六馬天子五輅駕質實一統志云穀水在河
六馬分部處分部署也南府永寧縣北七十
里源出熊耳山下過崎嵒經韓城流入洛山海經山
西有村曰墻家穀水出焉泗水注見秦始皇二十八
年睢水在徐州城南六十里昔楚項羽敗漢兵睢水
上水為之不流卽此下邑戰國時宋之地名秦屬碭
郡漢置下邑縣屬梁國後魏置碭郡於此北齊以已
吾縣省入下邑隋屬亳州後屬宋州金始改夏邑縣
屬宋州元初併入碭縣後復置屬歸德
州以穀熟縣省入本朝曰之屬開封府

發明

漢王誠有為君封賊之心則宜痛心疾首編
素為資則於罪人斯得而後已今始入彭城

籍尚逋誅遽乃飲酒高會謂之何哉故書伐書入而不書討則漢之名義索然已盡然後籍得以破漢軍而太公呂后皆為所虜豈不深可惜哉

漢王遣隨何使九江

初項羽擊齊徵兵九江黥布稱疾遣將數千人往及漢入彭城布又不佐楚羽由是怨之至是漢王西過梁地問羣臣曰吾欲捐關以東等棄之誰可與共功者張良曰九江與楚有隙彭越與齊反梁地此兩人可急使而漢將獨韓信可屬大事當一面捐之此三人則楚可破也王謂左右曰孰能為我使九江令倍楚留項王數月我取天下可集覽捐之此三人捐以百全謂者隨何請使王遣之委也音余專反

書法

凡使稱名不辱命也非是書使而已終綱目使稱名者三十二漢隨何劉敬陸賈張騫蘇

武蜀漢宗禕鄧芝再書陳震宗預燕梁琛魏于什
門李順梁徐陵周壯果伊婁譙唐劉文靜鄭元璠
陳大德鄧素和逢亮蕭昕韋倫再書李揆李龜年
五代李承勲李嚴姚坤陳覺李德明孫晟惟劉敬
陳大德鄧素
陳覺為識

五月漢王至滎陽

王至滎陽諸敗軍皆會蕭何發關中老弱未傅者悉
詣滎陽漢軍復大振楚以故不能過滎陽而西漢遂
築甬道屬之河
集覽 老弱未傅服虔曰傅音付索隱
以取教倉粟 音附孟康曰古者二十而傅三
年耕有一年儲故二十三年而後役之如淳曰律年
二十三傅之疇宮各從其父疇內學之高不滿六尺
二寸以下為罷癯漢儀注云民年二十三為正一歲
為衛士一歲為材官騎士習射御騎馳戰陳年五十

六為衰老乃得免為庶民就田里今老弱未嘗傳者
悉詣軍謂未二十三為弱過五十六為老傳著也未
著名籍給公家徭役者悉發之以至漢屯所以補其
空缺築甬道屬之河恐敵抄掠輜重故築垣牆如街
道是為甬道屬之欲反與河連也教倉教地名在滎
陽西北山上詩搏獸于教是也括地志云教山在鄭
州滎陽西十五里秦置
太倉於此故名教倉
質實一統志云教倉在開封
府河陰縣北二十里教
本山名秦初教氏築倉於上因以名山厥後始皇置
太倉於此故名教倉漢酈食其勸高帝據教倉之粟
又高帝因教山築
甬道下汴水即此

書法

至危之也何危乎漢王仗義討賊賊未除而
置酒高會取危之道也後書漢王走入關走

渡河甚矣

詳丁酉年

魏王豹叛漢○漢王還櫟陽立子盈為太子

發明

太子國儲副君宗祧所主是時漢方倥傯乃能首建國本亦可謂知所先務矣特書于冊

蓋予之也

○漢兵圍廢丘雍王邯自殺盡定雍地

書法

亡國之君其辭五死之上也執虜次之以歸次之獲次之降為下綱目亡國之君自殺三

雍王邯霸王籍梁主瑱

○關中饑人相食

書法

關中何漢所都也於是漢方外敗而根本之地饑人相食漢之業亦殆矣哉然則蕭何之

任重矣蕭何之功大矣終綱目書人相食十是年
漢武帝建元三年元鼎三年新莽甲戌年壬午年

安帝永初三年再書桓帝元嘉元年
年永壽元年晉武帝太元十二年

○秋八月漢王如滎陽命蕭何守關中立宗廟社稷

王如滎陽命蕭何侍太子守關中為法令約束立宗
廟社稷事有不及奏決者輒以便宜施行上來以聞
計關中戶口轉漕調集覽上來以聞應劭曰侯主上
兵以給軍未嘗乏絕

發明

易之萃渙皆言王假有廟蓋謂王者萃聚天
下之道與天下渙散之時其總攝人心無過

於建立宗廟使之知所歸仰此聖人特於萃渙二
卦發其義也是時漢方立國適當萃聚之初而國
兵新破人無固志又有渙散之疑漢王於此乃能
首立宗廟社稷可謂深得萃渙之義矣綱目書之

文無美詞而美在其中孰謂不修文學之君其所
設施乃能深合聖經之旨是豈剽悍禍賊徒知以
斬刈屠戮為事
者可同日語哉

漢韓信擊魏虜王豹遂北擊趙代

漢使酈生說魏王豹且召之豹不聽曰漢王慢而侮
人罵諸侯羣臣如罵奴耳吾不忍復見也於是漢王
以韓信為左丞相與灌嬰曹參俱擊魏王問食其魏
大將誰也對曰柏直王曰是口尚乳臭安能當韓信
騎將誰也曰馮敬曰雖賢不能當灌嬰步卒將誰也
曰項它曰不能當曹參吾無患矣信亦問魏得無用
周叔為大將乎曰柏直也信曰豎子耳遂擊虜豹定
魏地信請兵三萬人願以北舉燕趙東擊齊南絕楚
糧道王遣張耳與俱
九月破代兵禽夏說

丁酉楚三年漢三年○是歲趙代九江三國亡冬十月
丙二大國并衡山臨江燕齊韓五小國凡七國

韓信大破趙軍禽王歇斬代王餘遣使下燕

韓信張耳擊趙趙聚兵井陘口號二十萬廣武君李
左車謂陳餘曰信耳乘勝遠鬪其鋒不可當今井陘
之道車不得方軌騎不得成列其勢糧食必在後願
假臣奇兵三萬從間道絕其輜重足下深溝高壘勿
與戰彼前不得闔退不得還野無所掠不十日而兩
將之頭可致麾下否則必為二子所禽矣餘嘗自稱
義兵不用詐謀奇計不用左車策信謂視知之大喜
乃敢遂下未至井陘口止舍夜半傳發選輕騎二千
人人持一赤幟從間道葦山而望趙軍戒曰趙空壁
逐我即疾入趙壁拔其幟而易之令裨將傳餐曰今
日破趙會食乃使萬人先行出背水陳趙望見皆大
笑平旦信建大將旗鼓鼓行出井陘口趙開壁擊之

大戰良久於是信耳佯棄鼓旗走水上軍趙果空壁
逐之信所遣騎馳入趙壁拔趙幟立漢幟水上軍皆
殊死戰趙軍已失信等欲歸壁見幟大驚遂亂遁走
漢兵夾擊大破之斬陳餘禽趙王歇諸將畢賀因問
曰兵法古倍山陵前左水澤今背水而勝何也信曰
兵法不曰陷之死地而後生置之亡地而後存乎且
信非得素附者士大夫也所謂驅市人而戰之非置
死地使人自為戰彼將皆走尚可得而用之乎諸將
皆服信以千金募生得李左車者解其縛東鄉坐師
事之問曰僕欲北攻燕東伐齊何若而有功左車謝
曰臣敗亡之虜何足以權大事信曰誠令成安君聽
足下計信亦已禽矣今願委心歸計足下勿辭左車
曰將軍虜魏王禽夏說不終朝而破趙二十萬衆威
震天下此將軍之所長也然衆勞卒罷其實難用燕
若不服齊必自彊此將軍之所短也善用兵者不以
短擊長而以長擊短為將軍計莫若按甲休兵北首

燕路而遣辯士奉書於燕暴其所長燕必不敢不聽
從燕已從而東臨齊雖有智者不知為齊計矣兵固
有先聲而後實者此之謂也信從其策燕從集覽
風而靡遣使報漢請以張耳王趙漢王許之集覽
麾大將之旗也所以指麾正義曰麾通作戲並吁危
反間視間諜窺視而得知止舍句絕顏師古曰舍猶
息也傳發漢書音義曰傳令軍中使發革山而望如
淳曰革音蔽依山自覆蔽也索隱曰謂令從間道向
前望見陳餘軍營即住仍須隱山自蔽勿令趙軍知
裨將傳餐裨音皮將之偏副史記餐作飧注飧音餐
索隱曰小飯曰飧謂立駐傳飧而食待破趙後方乃
大食也走水上軍走去聲疾趨也正義曰綿蔓水一
名阜將一名回星自井州流入井陘界按韓信質實
背水陣陷之死地即此水北首首式究反向也
一統志云綿蔓水在真定府井陘縣南門外
源發山西平定州流至縣界與甘陶河合

是月晦日食○十一月晦日食

書法

自癸丑書日食至是四十五年然後復書秦政代立以來至于國亡乃皆未嘗日食豈秦

之德有以勝妖黷日君象也秦閔位也其不足以當天審矣終綱目一歲再食廿五

是年漢惠帝七

年文帝三年安帝元初元年靈帝建寧元年光初

元年昭烈帝章武二年晉丙戌年癸巳年甲午年

武帝太康九年愍帝建興四年元帝建武元年宋

已巳年陳辛巳年甲申年丁亥年壬辰年乙未年

癸卯年唐太宗貞觀元年中宗嗣聖廿年景龍元

年玄宗開元廿年代宗永泰十四年連月而食者

二而已是年漢文帝三年一歲三食者不與焉晉惠帝光熙元年自是日食始書月

發明

入綱目二百年書日食者屢矣皆不舉其月日者史官失於紀錄可知也至是書月書晦

自是而後凡日食當晦朔者即以晦朔書其
非晦朔者即以月書此固綱目之凡例也

○十二月隨何以九江王布歸漢

隨何至九江說黥布曰漢王使臣敬進書大王御者
竊怪大王與楚俱為諸侯也布曰寡人北鄉而臣事之何
曰大王與楚俱為諸侯而北鄉臣事之者必以楚為
彊可託國也項王伐齊身負版築為士卒先大王宜
悉衆自將為楚前鋒乃發四千人以助楚漢入彭城
項王未出齊也大王宜悉兵渡淮日夜會戰彭城下
乃無一人渡淮者垂拱而觀其孰勝夫託國於人者
固若是乎大王提空名以鄉楚而欲厚自託臣竊為
大王不取也然大王不倍楚者以漢為弱也夫楚雖
彊天下負之以不義之名以其背盟約而殺義帝也
今漢王收諸侯守滎陽下蜀漢之粟堅守而不動楚
人深入敵國老弱轉糧進不得攻退不得解楚不如

漢其勢亦易見矣大王不與萬全之漢而自託於危亡之楚臣竊為大王不取也布陰許之未敢泄楚使者傳舍方急責布發兵何直入曰九江王已歸漢楚何以得發兵因說布殺楚使而攻楚楚擊破之布乃間行與何歸漢十二月至漢漢王方踞牀洗足召布入見布悔怒欲自殺及出就舍帳御食飲從官皆如漢王居布又大喜過望

集覽

帳御食飲從官御食飲者御用飲食也正

義曰漢王以布先分為王恐其自尊大故峻禮令布折服已而美其帷帳厚其飲食多其從官以悅其心

權道

正誤

帳御食飲今按帳御謂帷帳及凡服御之具也

書法

書以何歸功何也布未決歸而何能以之漢得布而有天下之勢成矣是故九江之歸漢

未決而隨何能以之則書隨何以陶侃以赴難未勇而溫嶠能以之則書溫嶠以晉成帝咸和三年

東荊州兵之赴長安未果而趙剛能以之
則書趙剛以梁甲寅年皆歸功以之者也

漢遣酈食其立六國後未行而罷

楚數侵奪漢角道漢軍乏食酈食其曰昔湯放桀武
王伐紂皆封其後秦代諸侯滅其社稷今誠能立六
國後其君臣百姓必皆戴德慕義願為臣妾大王南
鄉稱霸楚必欽社而朝王曰善趣刻印先生因行佩
之矣未行張良來謁王方食具以告良良曰臣請借
前箸為大王籌之昔湯武封桀紂之後者度能制其
死生之命也今大王能制項籍之死命乎武王入殷
發粟散錢偃革為軒休馬放牛示不復用今大王能
之乎且天下游士離親戚棄墳墓從大王遊者徒欲
望咫尺之地今復立六國後游士各歸事其主大王
誰與取天下乎且夫楚惟無彊六國復撓而從之大
王焉得而臣之誠用客謀大事去矣漢王輟食吐哺

罵曰豎儒幾敗而公事令趣銷印苟悅曰夫立策決
勝之術有三一曰形二曰勢三曰情形者言其大體
得失之數也勢者言其臨時進退之宜也情者言其
心志可否之實也策同事等而功殊者三術不同而
已矣故立六國於陳涉所謂多已之黨而益秦之敵
取非其有而予人行虛惠而獲實福也立六國於漢
王所謂割已之有以資敵設虛名而受實禍也故耳
餘食其所說同而得失異此同事而異形者也戰國
相持無臨時之急一戰勝敗未必存亡故累力待時
承敵之斃此卞莊刺虎之說也楚趙與秦勢不並立
安危之機呼吸成變而宋義欲待秦趙之斃此同事
而異勢者也伐趙之役韓信泚上孤軍必死無二而
趙以內顧之士攻之彭城之難項羽喪其國都士卒
憤激而漢以怠惰之卒應之故俱在水上而勝敗不
同此同事而異情者也故曰權不可預議變不集覽
可先圖與時遷移應物變化此設策之機也

借前箸張晏曰求借所食之箸用以指畫也或解云
借前世湯武著明之事以籌度今時之不若也偃革
為軒如淳曰革兵革也軒赤轂乘軒也謂偃武備而
治禮樂蘇林曰革兵車也軒朱軒皮軒也謂廢兵車
而用乘車也休馬放牛書武成篇王來自商至于豐
乃偃武修文歸馬于華山之陽放牛于桃林之野示
天下弗服楚惟無彊六國復撓而從之撓女教反弱
也留侯世家注漢書音義曰惟當使楚無彊彊則六
國弱從之也索隱曰荀悅漢紀云此事獨可使楚無
彊彊則六國屈撓而從之也韋昭云今無彊楚者若
六國立必復屈撓從楚也是二說之意同幾敗而公
事留侯世家注幾音祈幾殆近也而公漢王自謂也
立六國於陳涉先陳涉亦曾立六國後自為樹黨卞
莊刺虎卞莊魯卞邑大夫莊子也陳軫傳秦惠王曰
今韓魏相攻救之便勿救便陳軫對曰卞莊刺虎聞
於王者乎莊子欲刺虎鉗豎子止之曰兩虎方且食

牛食甘必關則大者傷小者死從傷而刺之一舉
必有雙虎之名莊子然之有頃二虎果鬪莊子從焉
者刺之果有雙虎之功今韓魏相攻此猶二虎之鬪
注上泚水出恒山正義曰在趙州贊皇縣界泚音遲
素隱曰蘇林音說晉灼音邱實實一統志云泚水在
按地理志音指則蘇音為得真定府臨城縣西
北二十五里源發元氏縣經高邑樂城達寧晉
入藹蓋河史記韓信斬成安君於泚水上即此

書法

未卒事不書書未行而罷何幸之也凡未行

目書未行罷免者五漢遣酈食其立六國後魏遣
兵迎吳降將漢後主景耀四年幸之也成帝詔立

辟雍漢和元年莽以費興為荊州戊寅年劉琨
段匹磾討石勒晉元帝建武元年惜之也書既而

罷之六詳新莽辛巳年書尋罷之四詳唐中宗景
龍四年書不果行十一詳漢成帝綏和二年不果

一不行一書不至二

詳漢明帝永平四年

發明

漢欲立六國後其得失先儒論之詳矣綱目特書未行而罷者蓋所以著漢王無我速於

從諫之美也

夏四月楚圍漢王於滎陽亞父范增死

漢王謂陳平曰天下紛紛何時定乎平曰項王骨鯁之臣亞父鍾離昧之屬不過數人耳項王為人意思信讒誠能捐金行間以疑其心破楚必矣王乃與平黃金四萬斤不問其出入平多縱反間言昧等功多不得裂地欲與漢滅楚而分其地羽果疑昧等及楚圍滎陽急漢王請和羽使至漢陳平為太宰具舉進而佯驚曰吾以為亞父使也乃持去而更以惡草具進使歸以報羽大疑亞父亞父欲急攻下滎陽羽不

聽亞父怒曰天下事大定矣君王自為集覽骨鯁之

之願請骸骨歸未至彭城疽發背死

集覽

臣注見

晉武帝咸寧四年亞父如淳曰亞次也羽尊之次於父猶齊桓公稱管仲曰仲父鍾離昧鍾離覆姓昧名也字從目從末莫曷反為太牢具舉進凡用牲繫養曰牢詩傳云牛曰太牢羊曰少牢舉進謂舉鼎俎來也記少儀曰其禮太牢則以牛左肩臂臠折九箇少牢則以羊左肩七箇植豕則以豕左肩五箇注折斷分之也皆用左者右以祭也又注見唐太宗貞觀十九年少牢更以惡草具進漢書音義曰草粗也索隱曰戰國策云食馮諼以草具如淳曰稿草麤惡之具饌

書法

蠻夷書死盜賊書死增楚臣也則曷為以死書項氏弑君賊也而增為之謀主是亦賊焉

耳然則其書亞父何書亞父見其為賊所尊也終綱目卒書死者六楚范增莽母妻王嬖揚雄皆賊

之也胡僧不空夷之
也唐代宗大歷九年

發明

綱目於人臣例書卒雖列國亦然惟夷狄盜賊則書死范增楚之謀主既書亞父乃以死

書之何哉項籍負弒逆之罪增始與之同列乃從而北面事之况義帝之立出於增之本謀籍弒其所立增力能誅則誅之不能誅則死之又否則去之可也既不能然乃甘心臣事弒君之賊助桀為虐是亦弒逆之人爾故綱目於其死而貶之所以正天討示王法使為人臣者當知去就之義為萬世之戒也嗚呼其旨嚴矣

五月漢王走入關彭越擊楚楚還兵擊之漢王復軍成

臯

楚圍滎陽益急漢將軍紀信曰事急矣臣請誑楚乃乘王車出東門曰食盡漢王降楚楚皆之城東觀王乃令周苛守滎陽而與數十騎出西門去羽燒殺信王入關收兵欲復東轅生曰願君王出武關羽必南走王深壁勿戰令滎陽成臯間且得休息而韓信等亦得安輯趙地連燕齊王乃復還滎陽則楚備多而力分復與之戰破之必矣王從之羽果南王不與戰會彭越破楚軍殺薛公羽東擊越漢王復軍成臯

六月楚破彭越還拔滎陽及成臯漢王走渡河奪韓信軍遣信擊齊

項羽既破彭越還拔滎陽烹周苛遂圍成臯漢王逃去北渡河宿小脩武晨自稱漢使馳入趙壁張耳韓信未起即卧內奪其印符以麾召諸將易置之令耳守趙信收趙兵未發者擊齊楚遂拔成臯欲西王欲

捐成臯以東而屯鞏洛以距楚酈生曰王者以民為
天而民以食為天夫教倉天下轉輸久矣聞其下藏
粟甚多楚拔滎陽不堅守教倉乃引而東此天所以
資漢也願急進兵收取滎陽據教倉之粟塞成臯之
險杜太行之道距蜚狐之口守白馬之津以示諸侯
形制之勢則天下知所歸矣王乃復謀取教倉楊氏
曰韓信之軍禁防疏闊如此使敵人投間竊發則信
可得而虜矣豈古所謂節制之兵信亦有所未逮與
集覽漢王逃去索隱曰逃徒凋反輕身而忽出也史
記漢高本紀作漢王跳徐廣曰跳音逃如淳曰
走也晉灼按劉澤傳跳驅至長安注跳徒調反通俗
文云超通作跳也小脩武晉灼曰在大脩武東地理
志河內脩武縣正義曰脩武本殷之甯邑按韓詩外
傳武王伐紂到于邢丘勒兵于甯遂更名甯曰脩武
括地志云今懷州獲嘉古脩武也鞏縣名屬河南周
考王封威公子惠公之少子於鞏號為東周惠公即

此洛注見周顯王三年蜚狐之口蜚古文飛字如淳
曰蜚狐在代郡西南正義曰蜚狐縣有蜚狐谷地道
記云上黨郡恒山北行四百五十里得恒山岌號蜚
狐口輿地要覽曰蜚狐道在今蔚州蜚狐縣北入媯
州懷戎縣即古蜚狐口也又注見五代晉高祖天福
元年白馬之津索隱曰即黎陽津也南界魏郡白馬
縣括地志云白馬故城在滑州衛南鎮西南二十四
里戴延之西征記白馬城在衛故曹邑也今濬州即
漢黎陽縣州東一里五步質實一統志云小脩武漢
有黎陽津亦名白馬津之縣名屬河內郡東
魏省之故城在懷慶府脩武縣東四里漢高帝得韓
信軍小脩武即此又詳見周赧王四十一年鞏周鞏
伯之邑名西周惠公封少子班於鞏是為東周漢始
置鞏縣屬河南郡治故鞏城魏晉因之後魏屬成阜
郡北齊屬洛州隋徙治洛口唐宋金元皆仍舊本朝
因之屬河南府蜚狐口古之地名漢置廣昌縣屬代

郡東漢屬中山國晉屬代郡後周治五龍城隋仁壽初改曰飛狐縣屬易州唐初僑治易州之遂城遙屬蔚州貞觀中復故地宋陞為飛狐軍遼復為飛狐縣金元仍舊本朝復改廣昌縣屬大同府白馬津在大名府濬縣西二里黎陽故城之東又名黎陽津漢酈食其所謂守白馬之津即此處也

秋七月有星孛于大角

書法書孛始此終綱目書孛五十三是年漢文帝後七年景帝二年中二年中三年武帝建元

三年四年六年元狩三年四年元封元年再書後元二年昭帝始元三年宣帝地節元年神爵元年元帝建元元年元帝初元五年成帝建始元年元延元年東帝建平二年三年新莽壬午年漢光武建武十五年三十年明帝永平二年十八年章帝建初二年二年安帝永初三年順帝永和六年桓帝建

和三年延壽四年霍光死和元年三年五年中平
五年獻帝初平四年建安五年九年十一年十二
年十七年二十三年後主建興十四年再書己丑
年丁酉年晉惠帝永興二年成帝咸康六年哀帝
興寧元年安帝隆安四年唐太宗貞觀十五年李
紫宮六漢高祖五年是年大喪光武建武三
十年第二歲大喪章帝建初二年間一歲太后喪
光武中平五年明年大喪己丑年丁酉年李太微
四漢明帝永平十八年贈月大喪靈帝光和五年
間一歲景帝起年或帝咸康六年明年后喪唐太
宗貞觀十五年間一歲太子以反廢惟于
紫于太微非分裂之代無不有大應者

○八月漢王軍小脩武遣人燒楚積聚

漢王得韓信軍復大振引兵臨河南鄉欲復與楚戰
鄭忠說止王乃使劉賈盧綰渡白馬津入楚地佐彭

越燒楚積聚
以破其業

書法

特筆也事有關於成敗之故者雖小事綱目必書之漢初書燒楚積聚中興書襲取莽輜

重壬午年曹操書破紹輜
重興平五年皆特筆也

彭越下梁十七城楚復擊取之

彭越下梁地十七城項羽聞之使曹咎守成皐戒曰即漢欲戰慎勿與戰而自引兵東擊越所下城圍外黃數日乃降羽欲盡阮之外黃令舍人兒年十三說羽曰彭越強劫外黃外黃恐故且降以待大王今又阮之百姓安所歸心哉且如此則從此以集覽外黃東十餘城皆莫可下矣羽從之梁復為楚集覽外舍人兒外黃縣名其縣令之舍人兒也文穎曰舍人主廄內小吏官名顏師古曰舍人本親近左右之通稱

後遂以為私屬官號瓚曰稱兒者以其幼弱故系其父春秋傳曰仍叔之子是也括地志云故周城即外黃地在汴州雍丘東正義曰故黃城在睢州考城東二十四里以縣有黃溝因名焉強劫強其兩反劫持也威驅實實一統志云外黃漢之縣名屬陳留郡晉勢劫也實實廢之故城在開封府杞縣東北左傳魯惠公敗宋師于外黃即此

漢王遣酈食其說齊下之

酈食其說漢王曰今燕趙已定惟齊未下諸田宗彊近楚多詐雖遣數萬之師未可以歲月破也臣請得奉明詔說齊王使為東藩王曰善酈生乃說齊王曰王知天下之所歸乎王曰不知也請問之生曰歸漢王曰何也生曰漢王先入咸陽收天下兵以責義帝之處立諸侯之後與天下同其利天下賢才樂為之

用項王有倍約之名有殺義帝之負記人之罪忘人之功賢才怨之莫為之用故天下之事歸於漢王可坐而策也今又已據敖倉塞成臯守白馬距蜚狐天下後服者先亡矣齊王納之遂與漢平而罷守備日與生縱酒為樂韓信欲東兵聞之而止蒯徹說曰將軍受詔擊齊而漢獨發間使下之寧有詔止將軍乎且酈生一士伏軾悼三寸舌下齊七十餘城將軍以數萬衆歲餘乃下趙五十城耳為將數歲反不如一賢儒之功乎

集覽

責義帝之處項羽弑義帝於江中

信遂渡河

不知處所故漢王責之蒯徹姓名

也後避武帝諱史改徹曰通伏軾食其本傳伏作馮注馮讀曰憑據也伏亦憑也軾注見周威烈王二十三年必式三寸舌索隱曰春秋

緯云舌在口長三寸象斗玉衡

戊漢四年

冬十月漢韓信襲破齊齊王烹酈食其走

高密集覽

高密戰國齊地北海郡高密縣在臨淄之東今密州是屬益都路

質實

一統志云

高密古邑名春秋齊封晏嬰於此漢初置高密縣取境內密水為名文帝時為膠西國宣帝改為高密國東漢國除以縣屬北海郡晉屬城陽郡宋屬高密郡隋唐皆屬密州元屬膠州本朝因之改屬萊州府

○漢

王復取成臯與楚皆軍廣武

漢數挑楚戰曹咎不出使人辱之咎怒渡兵汜水半渡漢擊破之咎自剄漢王乃引兵渡河復取成臯軍廣武就敖倉食羽聞之亦還軍廣武相守楚食少乃為高祖置太公其上告漢王曰今不急下吾烹太公王曰吾與若俱北面受命懷王約為兄弟吾翁即若翁必欲烹而翁幸分我一杯羹羽怒欲殺之項伯曰為天下者不顧家殺之無益祇益禍耳羽謂漢王曰天下匈匈數歲徒以吾兩人願與王挑戰決雌雄毋

徒苦天下父子為也王笑謝曰吾寧鬪智不能鬪力
因數之曰羽負約王我於漢罪一矯殺卿子冠軍罪
二救趙不報而擅劫諸侯入關罪三燒秦宮室掘始
皇帝冢私其財罪四殺秦降王子嬰罪五詐坑秦子
弟新安二十萬罪六王諸將善地而徙逐故主罪七
出逐義帝自都彭城奪韓梁地罪八使人陰殺義帝
江南罪九為政不平主約不信天下所不容大逆無
道罪十也吾以義兵從諸侯誅殘賊使刑餘罪人擊
公何苦乃與公挑戰羽大怒伏弩射漢王傷胸王乃
捫足曰虜中吾指因病創卧張良強請起行勞軍以
安士卒王從之疾**集覽**挑戰李奇曰挑身獨戰不復
甚因馳入成臯須臾也璣曰挑徒了反摘撓
敵以求戰如古之致師鄭玄曰致師者致其必戰之
志也古者將戰必先使勇力之士犯敵汜水正義曰
汜數劒反括地志云漢高即位壇在曹州濟陰界張
晏曰汜水在濟陰取其汜愛弘大而潤下索隱曰汜

音似張晏謂在濟陰蓋在濟水之陰非彼濟陰郡也
瓚曰今成臯城東汜水是也汜水源出洛州汜水縣
東南三十二里方山廣武孟康曰於滎陽縣西二十
里築兩城相對為廣武在敖倉西三皇山上戴延之
西征記三皇山有二城東曰東廣武西曰西廣武各
在一山頭相去百步汴水從廣澗中東南流今涸高
祖祖机之類李奇曰軍中巢櫓方面人謂之祖姚察
按左氏楚子登巢車以望晉軍杜預謂車上櫓也故
李氏云軍中巢櫓又引時人亦謂此為祖也括地志
云東廣武城有高壇即項羽坐太公祖上者今名項
羽堆亦名太公亭顏師古曰祖所以薦肉示欲烹之
故置祖之上若翁若猶言爾汝而也後皆倣此匈奴
音凶又上聲諠擾之義捫足捫音門摸也傷胸
而捫足故以安衆心也病創創讀曰瘡傷也質實
一統志云汜水源出開封府汜水縣西方山東南流
入黃河廣武城名在開封府河陰縣北一十里廣武

三皇二山之上益二山相連其上
有東西廣武二城即楚漢相拒處也

楚救齊十一月漢韓信擊破之殺其將龍且虜齊王廣
田橫自立為齊王戰敗走信遂定齊地

楚使龍且將兵二十萬救齊或曰漢兵遠關窮戰其
鋒不可當齊楚自居其地兵易敗散不如深壁令齊
王使其信臣招所亡城亡城間王在楚來救必反漢
漢兵客居其勢無所得食可不戰而降也且曰吾知
韓信為人易耳寄食於漂母無資身之策受辱於
袴下無兼人之勇不足畏也且救齊不戰而降之吾
何功今戰而勝齊半可得也進與漢軍夾濰水而陳
信夜令人囊沙壅水上流旦渡擊且佯敗還走且喜
曰吾固知信怯也遂追之信使決壅囊水大至且軍
大半不得渡信急擊殺且追至城陽虜齊王廣田橫

遂自立為齊王漢嬰擊走之盡定齊地集覽水離音維地理志濰水出琅邪其屋山東北經臺昌入海枯地志云密州莒縣山離水所出大半大音泰章昭曰凡數三分有二為大半地理志濰陰郡南有泰山城陽括地志云濰州雷澤縣本漢郡陽故城古郡伯國在濰州東南九十里章昭曰郡亦作成周武王封弟質實一統志季我於成其後代遷城之陽故名城陽實實云濰水源出青州府莒州西北九十里其屋山之東北達密川地理志古莒子國之地名春秋戰國俱屬齊漢滅秦置城陽國於此東漢因之三國魏改為城陽郡唐省之故城在青州府莒州境內漢文帝封朱虛侯章即此

發明

秦為無道天下共起而亡之至羽背約王沛公於巴蜀故漢王之東綱目以還定三秦書

之用見三秦固沛公所宜有也其後籍負弑逆之誅於是漢之舉兵一則曰討籍二則曰伐楚又以見師出為有名矣若夫諸侯各受分地與漢並立初非有可指之罪漢志於一天下以彊食弱是以韓信之出於趙魏則書擊於燕則書下於齊則書襲至楚遣龍且則書救春秋凡救未有不善者善則攻者非矣力鑿彊戰信之所以立功者如此他時不得其死良有以也君子觀綱目所書之意斷可識矣漢與秦項果可以大相遠乎

漢立張耳為趙王○漢王還櫟陽留四日復如廣武

書法

特筆也漢王可謂不敢自暇矣雖禹之辛壬癸甲何以過之光武之篇書潁川盜起帝還

宮六日討平之皆特筆也二祖創業之初其勤如此後世猶有書幸馮石府留飲十日者矣漢安帝

建光
元年

○春二月漢立韓信為齊王徵其兵擊楚

韓信使人言於漢王曰齊偽詐多變反覆之國也請
為假王以鎮之漢王大怒罵曰吾因於此旦暮望若
來乃自立邪張良陳平躡王足附耳語曰漢方不利
寧能禁信之自王乎不如因而立之使自為守不然
變生王悟復罵曰大丈夫定諸侯即為真王何以假
為二月遣良操印立信為齊王徵其兵擊楚項羽聞
龍且死大懼使武涉說信欲與連和三分天下信謝
之曰臣事項王官不過郎中位不過執戟言不聽畫
不用故倍楚而歸漢漢王授我上將軍印予我數萬
衆解衣衣我推食食我言聽計用故吾得至於此夫
人深親信我我倍之不祥雖死不易幸為信謝項王
武涉已去蒯徹知天下權在信乃說之曰天下初發

難也憂在亡秦而已今楚漢分爭使天下之人肝膽
塗地暴骸中野不可勝數楚人乘利席卷威震天下
然迫西山而不得進者三年矣漢王距鞏洛阻山河
一日數戰無尺寸之功此所謂智勇俱困者也今兩
主之命縣於足下莫若兩利而俱存之三分天下鼎
足而居其勢莫敢先動足下據強齊從燕趙因民之
欲西向為百姓請命則天下風走而響應矣蓋聞天
與不取反受其咎時至不行反受其殃願足下熟慮
之信曰漢王遇我甚厚吾豈可以鄉利而倍義乎微
曰始張耳陳餘相與為刎頸之交及爭張黡陳澤之
事耳遂殺餘泚水之南頭足異處今足下交於漢王
必不能固於二君之相與也而事多大於張黡陳澤
者故臣竊以為足下必漢王之不危已亦誤矣野獸
已盡而獵狗烹願足下深慮之且勇畧震主者身危
功蓋天下者不賞今足下戴震主之威挾不賞之功
欲持是安歸乎信謝曰先生休矣吾方念之數日徹

復說曰夫聽者事之候也計者事之機也聽過計失而能久安者鮮矣故智者決之斷也疑者事之害也審毫釐之小計遺天下之大數智誠知之決弗敢行者百事之禍也夫功者難成而易敗時者難得而易失時乎時乎不再來信猶豫不忍倍漢又自以集覽功多漢終不奪我齊遂謝徹徹因去佯狂為巫執戰張晏曰郎中宿衛執戟之人也衣衣下衣於既反食食下食讀曰飼從燕趙從子容反言可與燕趙約為從親風走走音奏言疾趨如風也刎頸之交注見周赧王三十六年爭張廩陳澤之事事在秦二世三年相與如淳曰言二人相與交善也必漢王必謂必信之也其意謂漢王不可必聽者事之候顏師古曰謂能聽正誤從燕趙今按從如字善謀也使燕趙服從已也

秋七月漢立黥布為淮南王考異

臣按秦二世二年書呂臣走得英布軍漢王

元年書英布為九江王蓋布
本姓英此書黥布刊本誤也
考證黥當作英○謹按汪
布姓英氏秦時坐法黥故史傳書為黥布如呂臣走得
英布軍英布為九江王既皆以姓名書豈於漢封立之
際揭其為刑人
當作英布為是○八月漢初為算賦

民年十五以上至五十六出賦錢
人百二十為一算治庫兵車馬

書法

書初何志始也算賦以治庫兵車馬則軍興
之制也自是遂為常法故謹書之是故漢高

帝算賦則書初武帝權酤則書初天漢三年桓帝

田畝稅錢則書初延熹八年晉孝武增稅米則書

初太元八年唐定租庸調則書初武德七年德宗

兩稅則書始建中元年間架陌錢則書初建平四

年稅茶則書初貞元九

年皆重其始取民也

北貉燕人致梟騎助漢集覽

北貉貉北方多種索隱曰貉即滅也與高麗同種在

辰韓之北朝鮮之東東窮大海梟騎最勇健曰梟

書法

致助何順辭也夷蠻借兵之辭五曰致助曰請助曰入援順辭也曰發兵尊辭也曰遣使

以某兵至敵辭也曰乞兵卑辭也曰求救急辭也莫善於漢之致助唐之請助者矣蠻夷借兵始此終綱目書蠻夷借兵八年是年隋大業十三年唐天寶十五載再書寶應九年興元元年五代唐丙申

年晉辛亥
年北漢

○漢王令軍士死者吏為棺歛送其家

書法

書嘉恤死也戰國之世殺人多者至二十四萬未有書恤死之政者書恤死始此漢之興

宜哉終綱目書恤死之政五是年唐太宗貞觀二十五年再書十九年五代漢庾戌年

○漢以周昌為御史大夫○楚與漢約中分天下九月

歸太公呂后於漢解而東歸

項羽自知少助食盡韓信又進兵擊之漢遣侯公說羽請太公羽乃與漢約中分天下鴻溝以西為漢以東為楚九月歸太公呂后解而東歸漢王欲西歸張良陳平曰漢有天下大半楚兵饑疲今釋弗擊此養虎自遺患也王從之程子曰張良才識高遠有儒者氣象而亦以此說漢王則其不義甚矣

集覽


鴻溝文穎曰於滎陽下引河東南為鴻溝以通宋鄭陳蔡曹衛與濟汝淮泗會於楚即今官渡水也應劭曰在滎陽東南二十里張華云大梁城在浚儀縣北縣西北渠水東經此城南又北屈分為二渠其一渠

東南流始皇鑿引河水以灌大梁謂之鴻溝今之汴河是漢楚會此處其一渠東經陽武縣南為官渡水按張華實實一統志云鴻溝在開封府河陰縣之東此說是質實即楚漢分界處北接廣武山與滎澤相連

書法書楚與漢約何不以背約累漢王也故太公實請而以楚歸為文討賊天下之大義也背約不足以累之以累之

發明當是時漢疆楚弱政自不必約和然太公在楚未有取之之計也上書中分天下繼書歸太公於漢則漢之此舉為請太公明矣然綱目書楚與漢約而不書漢與楚約則見欲和者出於楚之本心而漢王不急於救父其惡蓋自不言可知况漢既得太公乃始背惠食言進兵攻楚故此明

書解而東歸而下書漢王追項籍至固陵則漢王違信背約之失又可知矣



御批資治通鑑綱目卷二下